



11011X

二十一年

冬

以

三十

金

買

料

伯田共記



詩言志志高而處卑不能
強為高也非是亦徒為辱
而已余濩落廿年未所為
詩止此其卑已甚猶幸其
氣之昌也倘易地處之志
帥氣氣輔志豈惟詩其



於道也覲有進焉不敢不
勉也

康熙乙酉八月鹿原林佶
書於陳州之柳湖



樸學齋詩藁目錄



樸學齋詩藁目錄

一卷 古體五言

二卷 古體七言

三卷 古體七言

四卷 今體五言律

五卷 今體七言律

六卷 今體七言律

七卷 今體七言律

八卷 今體五六言截句

九卷 今體七言截句

十卷 今體七言截句

受業甥謝道承

陳治滋

男 正青

在衡

在峩

王衡全謹編

孫 姓 兆祥

擎天全校字

乾隆九年甲子刻於維揚

樸學齋詩藁卷一

古體五言

建溪

長示部
振鐸西
歸志

歸國沈君
進金口

建溪如建瓴一瀉八百里夾岸列層巖中流橫巨
砥孤舟蕩滴波折旋若磨蟻蓬短卷三窩舩輕薄
半指篙師四五輩操縱若控駛脰腕互呈勞心目
各奏技偏從急湍投遙向危磯抵上下偶失勢觸
石見立靡吾方汗漫遊曠懷似儵鯉異境滌煩襟
恠石幻衆美穩者如平阨枉者若注矢峻或摩昂
霄高乃蔽日晷堆聚儼累棋破碎等散蘄狂駭兕

牛奔秀瞻鸞鵠峙及茲冬涸辰澄澈直到底鬼斧
無遁形神工失所恃日暮邨煙合引纜溪灣穢薄
飲敵霜巖明朝達柘水

仙霞嶺

造化孕陰陽鑪冶呈物表項脊屬中原吭嗑乃秦
趙甌閩居尾閭一泄恐遂了包絡遞岡巒匝極
茫淼豈但挺奇靈實能割昏曉彼豎蓄狂謀稱兵
釁自挑欲以丸泥封致使王師勦至今一紀餘殘
黎心猶掉我來值窮冬郵符適紛擾只有官役趨
絕無行旅遶筍輿不得御芒鞋行木杪風雪方載

途跋履心已悄仰睇浮雲齊俯觀飛鳶小茫茫身
世交何日謝紛糾吾將就堯夫觀物窮幽渺

江山道中雪

苦寒地多雪積素每盈丈萬室舉煙沉千門披月
朗此物南方稀亦由陽氣盪無復撤庭院那見瑩
書幌昨者度仙霞殘冬及蜡饗暖可祛春衫氣如
蒸瓦盎玄冥欲閉藏失令不得養何意晚霖霖忽
復風蒼莽平地江濤翻深林虎豹往逆旅弗堪留
出門殊勉強油幕與毳衣決裂無足仗沾帽若綴
旒撲面直過顙僕夫已告瘁川原覺深廣敗絮不

成眠邨酒豈得享須臾見大地瓊瑤披隰壤潔尚
滌心神光能燭象罔寒威雖可畏偉觀愜幽賞前
途嚴陵灘雪景稱無兩倘復霰先集予心尤快爽

蘭溪

蘭溪山蜿蜒遠近各有情蘭溪水流駛澄波涵空
明未至廿里餘遙望心先迎左林橫積翠松影連
雲平疑有仙人車乘鶴奏鸞笙右岸挺寒枝槎枒
森萬荆木葉既已脫羣鴉時飛鳴中流帆影散落
日蒸霞晴浦淑藏樹底泉聲激琤玳洄伏沙嘴露
籬落秋樹坪我思此卜居荷鋤來偶耕前疇八九

畝後屋二三楹出作而入息無辱亦無榮又思爲
漁父波面集魚兵月明罷釣去白鷗締素盟只要
吾生足無之山水清此地可長往安用利名櫻

贈顧嘉穎

絹力五百載紙力八百年未若貞珉堅千古猶流
傳所以善書人必藉名手鐫獻之保母磚李邕戒
壇篇宛轉自刻畫骨勁而肉圓錫山顧嘉穎文雅
殊翩翩雙鈎窮毫杪運刀追風旋垂露與屋溜倒
碓及針懸書家具三昧一一探其玄吾哀金石富
不亞集古編見子鈎與剗用意極精專方今右文

史宸翰灑龍箋下迨卿大夫碑版筆如椽子雖善
刀藏定遇乘韋先煌煌照四裔豈曰雕蟲妍

送供奉宋廣平入都

碧梧倚高岡崇蘭生澗曲託根既非冗標格自不
俗卓哉供奉賢令德夙所沃承學溯淵源束身範
金玉致位始清華主恩若朝旭九萬瞻鵬搏千里
展驥足

我居閩海濱抱書汨塵坱所志在四方微情寄高
曠出遊來堯峯托交附末行霞嶺雲芊綿太湖光
蕩漾飲和酌醇醪心醉不可量

當今王路廣彙征固多賢雅諳臺閣事孰有如君
先君雖抱璞藏文采日昭宣簪筆丹螭側荷橐瀛
洲前駸駸登崇階世掌絲綸篇

春江如帛綠春草逐波青馳驅騁上苑高閣遙聞
鈴昔日論思地延賓戶不扃君方紹父風慎哉答
明廷

寓齋感興廿一首 有序

每希古人詠懷感遇諸篇結情欲吐才薄不逮
寓居抱寂走筆輒得廿餘首觸緒敷衍質浮於
文觀者宜有以諒焉 辛未七月二十日

天道貴自然人事尚明作動靜互爲根推盪若橐籥皇王已云徂淳風日以削汲汲魯中叟崛起荷絕學剛定在六經往聖得所託雖以木鐸驅何異奏韶獲近士鮮躬行智巧以臆鑿茫茫三千載此道竟寥廓有志既不立宜爲識者薄

學士貴聞道致身苦不早如何滋玩愒展轉頭已皓中夜披帷立明月照霜縞蟋蟀鳴窗牖秋風凋蔓草失時不努力何以慰親老

文章雖一藝載道以爲質才氣競驅馳何嘗不超軼惜未探其源致遠將恐尼不如滋本根根茂花

自實區區誠願學恒患未專一庭訓與師承服膺良已悉敢復躡浮囂悠悠負白日

大義存六經炳如日星懸誦說相纂述古今非一賢好學以深思白首猶茫然豈伊咕嗶者乃能得真詮帖括垂其體割裂滋目眩自非不世才安能改其絃何況榮利名得魚旋忘筌

性道不可聞心學幾終闕致知與格物明善以誠治啓鑰且開闢寧不見真義蔽錮日以深訓詁日以離不如收放心萌蘖自培溉老佛抵間隙朱陸別同異紛紛千載中竟忘所有事我生在汙泥豈

能自拔致但希夜氣存庶無陷匪類
 玉韞山含輝珠藏澤自媚道德被厥躬氣象應光
 賁鄉黨一篇書聖容難擬議泰山負巖巘私淑有
 餘企嘆彼虛憍者色莊以為偽失聲破釜間見色
 豆羹類所以君子徒寧不在集義不愧亦不怍浩
 氣塞天地不疾亦不遽三十年不貳霽月與光風
 此言良堪思

星漢麗中天江河有歸宿古人重授受衆輻會一
 轍伊洛暢其風關閩亦繼躅紫陽有功臣乃在婺
 州麓仁山與白雲文獻及文肅經術既已醇文章

更絕俗後先仰重光學者飫膏馥沾被潛溪翁用
 光彼邦族煌煌典冊文清廟頌於穆巍巍開國臣
 車服照巖谷不敢忘師傳遺編仍纂錄景行惟高
 山瓣香自此祝

國有所與立寧不在文獻相承賴名賢古今同一
 券學識窮小大綜括恢典憲上探邱墳書下採草
 澤論此豈拘牽儒孤陋所能建昔惟東萊翁淹貫
 追雅健後起宋潛溪百年餘繾綣媿人未云遙撫
 已有深願潛溪有思媿人詞為呂成公作也
 我愛百泉山上有安樂叟不扇亦不爐其中何所

有月窟與天根攝持若樞紐出處不驚俗乾坤亦
儕偶至今伊雒間元氣猶亶厚近者孫夏峰遐邇
推耆耆問學有淵源被服安田畝豈不願守鞭惜
哉生已後

在昔沂水游春風遍寰海近者天泉橋此樂亦千
載我嘗希其風誰云古不逮昨日趨邱南山光吐
煙靄中有讀書翁雪鬚白皚皚挾杖偶行藥梅花
正蓓蕾列坐石子岡靜領思有在此意難爲傳此
遊翼不改何期反掌間倏爾彫文采
敝褐對狐貉誰能不跼蹐鳳凰同雞食未有不腕

搯如何混儕俗愛身不若璧矯彼玉遮翁孤枿能
自頌聲名致青雲簪紱竟一擲遁跡入蓬蒿精心
禮與易九年不出山擬與塵網隔明詔忽來徵官
吏相逼迫勉強拂征衣豈爲腐鼠嚇氣直道自孤
嫉甚劍相射束身翻復歸跡隱名逾白不滿忌者
心浮論恣毒螫焉知鶴在天雲表振六翮嘆彼含
沙人惘惘何所獲

我生十年時芻豢困驕穉十五知讀書門外鞞鼓
亟數椽不安棲支撐見勞勩始知入世難愈信紛
囂累學殖恐無成中夜頻自歧折節事呶唔恥與

庸庸比令德不早立聞見煩譏議發憤自激昂負
笈不辭費乃有尸居徒嗜沓以爲異
當寒振襦裘當饑煮梁肉飽煖一心知非爲人鹿
鹿汎舟迷中流驅車味峻谷長揖問征夫庶免窮
途哭先覺原有聞我躬應自毅但當憑心思莫仍
廢耳目此中有精意悟者不須復

驪龍護明珠深淵長自匿家雞當伏雛孳孳抱一
息少壯富精神愛養宜用嗇多言損三焦好動傷
筋力何況伐性資往往多迷惑自非明達賢沉溺
誰能克相彼合抱材亦由毫末殖和氏璧萬金不

珍當誰識篤哉君子身努力崇明德
父子本同氣兄弟若連枝相厥有生初保抱相游
嬉一日不相見何異渴與饑乃至有知識各復營
其私借鋤有德色鬩牆動見嗤至性誰不然轉瞬
成澆漓父恩有時盡兄愛有時離寄語世上人毋
使後時悲

天合洽以恩義合敦以情古人重緇衣鼓瑟復吹
笙真意既已浹至道從茲萌相叶不相比間隙何
由生今人好苟合多爲利名傾下者趨邪昵徵逐
事逢迎威儀不相攝德義安能成須辨損益徒宜

抒彼我誠割席者誰子慎交全永貞
原憲衣捉衿顏回飯蔬水得聖爲依歸自能祛物
累退之亦聖徒乃爲貧所使號呼數上書禿豁悲
髮齒是知困窮術此境未易擬我生值艱難兵寇
充井里疹戾未全消蕭然困食指上有垂白親下
有牽衣子無計禦寒饑長物餘書史慷慨歌金石
哀音欲變徵况當羈愁中秋氣徹肌髓

立國自有經居家亦有紀苟恃富強資未有不縱
侈從俗恣奢淫未有不敗此所以節儉風家國同
一理良馬行修途蹶足九十里百金惜露臺和樂

被休社量入以爲出尚恐致傾否財源只此數盈
此必縮彼縱可致力求所傷亦倍蓰澹泊儒者事
禮義躬率履敢希浮薄徒杯飾用觀美
古樂愛澹泊今樂事淫靡但得絃中趣自具至和
理古書崇簡樸今書尚軟美但得畫中規心敬學
在是喧俗苦浮囂一食念百起辟如捲秋籜旋掃
紛階屺不如去學琴調心復調指不如去學書畫
畫見心矢

人固不易知知人亦不易橄欖回餘甘良玉韞金
匱有識不終湮久嚼味乃異傾蓋如白頭杯酒結

心意歡始以凶終不如不相比今日宴叵羅明日
馳驛騎分手即途入冷落同棄置不見君子交久
要能不二止水澄鑒明洞燭辨物類不希炙手熱
也無失足累
古有感遇詞伯玉稱獨步金碧與空青磅礴莽回
互晦翁更有詩齋居寫幽晤切近探真實學足理
尤裕吾生千載後踪跡比涸鮒安能以蠅聲不揣
當韶濩颯颯秋風來蕭蕭日景暮志氣無時平羈
情旋復吐聊作候蟲鳴往復有餘慕

贈于東園

昔未見君時嘗愛讀君詩清真復微宥想見塵外
姿今日來見君爲君牀下拜敗帷不蔽席老屋僅
支壞半卷楞嚴經悠然出清唄不受塵網羈超出
如破械靜聽生滅緣是身等一芥君探天地根我
墮意識界願君爲我陳孰爲穀與稗爲我撒藩籬
令我掃瘡疥傾心聆至言似護菩薩戒三沐南海
濱吐納通沆瀣

送姚東只還揚州

維揚一老翁年已六十九魁壘雅好奇埋頭只好
酒酒後寫新詞寸紙蟠龍虬開口一笑足不計及

不朽昔曾遊燕秦近亦客柳柳不噉楓亭荔老饕
負此口竭來叩我門脫畧破窠臼拈韻每藏鬪圍
棋敢縮手忽復告我歸秋風趁清瀏無計可留君
勸君酌大斗明月照邗溝正是君歸後不知君此
時能復重聚首聚散本難期高懷實不偶再有武
彘緣策杖隨君走

重陽後集許氏石林得佳字

身繫塵鞅中安得具好懷前山有幽逕嶽峯多層
崖不及當令節登臨與君偕猶幸遲日來從容躡
芒鞋上下陟危磴汲雲吞江涯

汲雲吞江
皆崖名

朋侶既

翁集詼譎襟優俳寓目騁高曠超然外形骸秋風
方朝肅山氣尤夕佳更有當空月脩然照山齋緒
言須培擊餘興待安排長嘯下山去吾心良已諧

大司成汪公東川賦甘泉宮瓦詩爲贈賦答

我有一漢瓦規圓質殊美文列長生樣畫開八分
始肇造武皇年沉埋甘泉址幾度臨秋風明月照
渭水代去踪無留神護器不毀剏獲迹頗奇撫觀
字可喜令之友穎泓庶用注經史高度茅齋中掩
映烏皮几家珍差足尚衆賞未云侈何意國子師
覽圖披幅紙煌煌瀉高詞朗朗發妙旨排冪絕陳

言卓犖越恒軌頓令聲價張氣與終南峙我喜誦
新詩欣如得御李重枉高軒過窮巷迎倒屣自顧
亦瓦缶敢混黃鍾耳物理屈必伸化權泰消否巨
細等齊觀顯晦道如此逝將勒鴻篇傳示昭遠邇
庶配石鼓歌同耀園橋裏

入新河泊桃源界夢歸有感

明月照大河夜靜波聲息四顧無邨墟惟聞鼉鼓
亟百憂從中來羈魂轉淒切展席尋夢境夢覲高
堂色牽衣情宛然忍別淚盈臆二親八十年遊子
乃離側傷哉貧所驅微名悔不匿不如在夢中猶

得供子職

上新城王阮亭師

倒掛生窮島不能耀羽翰荔支貢上林暫得充大
官同處朱方域升沉等殊難彼物終無言居遠實
可歎

山澤產物華希世乃一覩分布宇宙間落落只此
數羅列陳五都豈不希良賈世無波斯胡寧藏不
願沽

黃河從天來泰山拔地出王畿宮闕麗冠蓋車趨
軼盪胸無此奇徒如禪處蟲所以有志士欲近長

安日

羣卉值春陽含華各爭媚氣候歷三時根株務涪
漑緬彼至道人晚欲刊文字而我猶區區莫爲達
者棄

吾聞東泰山上有丈人峰壽爲魯邦望巍然衆岳
宗蒸變以化物雲龍實相從區區土壤微詎不荷
含容

輕盈伴玉人

阮亭師席
上分賦

襄陽冰雪人皜皜固無匹北闕休上書南山長自
逸何意賦瓊姿謂宜伴玉質精白神可通溜湮能

不失素心長如此持之質皎日

說餅

阮亭師席上分賦

曾讀說餅詩摘詞五百字蒼藻綴成章硬語各拔
萃信知風雅才別具點染致不襲吳均說只與諸
生議大足補食經兼可資本事何意余後來亦荷
公飲食既飽固已欣有言敢辭費朶頤噬嗑占枯
腸芒角出權輿愧此承糠覈嗟徒爲惟公鹽梅手
能調鼎鬲器欲士飫聞道皆欲嚼其哉舉類而知
通聊以覘衆志略大識厥小雖侈何足異拙詩獨
晚成願公一笑置

放鵬圖

爲阮亭師作

先生天人姿標表與俗異雅抱匡濟懷尤饒山水
致漁洋萬頃青蠶尾數峰翠遐託良在茲未嘗一
飯置昨宵卷書坐悠然涼風至對月念逍遙感物
增秋思頗憶雍陶詩千載有同契

雪後詩思圖

爲阮亭師作

高山望嶙峋白雪飄然下瓊瑤散作花迸向溪流
瀉庭前數竿幽竹外一枝亞東風律已轉餘寒氣
猶射卷簾擁褐居蕭然忘却舍緬想冰雪姿神思
何清暇

書土慢亭結綠研圖後

昔聞結綠研蔚爲蘇氏寶何意三槐家亦具此美
好相其瑤琢工不知何年造埋沒槐根中幾同秋
葉掃無心獲此奇洗刷照晴昊熊熊紫虹光宛結
一片藻登度友穎泓磨研著立草昭示傳子孫庶
令永相保奚期瞥然失慢藏戒不早楚弓遺可忘
魯玉歸用禱片言納汶田那須偏師討神物有護
呵祖澤頻潔澡瓶欵形可模詩城堅難擣三槐昔
有銘異代足徵考欲借此研濡秉筆愧坡老願同
青瓊藏守如頭目腦

題梅耦長畫并送其歸宣城

我昔買片颿遠浮大江漕遙望敬亭山雲氣自卷
舒泉澗何委折樹石何蕭疎茫茫煙靄中知有人
讀書欲從徒溯洄忽已三年餘每見君毫素客懷
持一攄蹴踏無荆闕董巨何足譽自矜不苟作獨
與朋相于今朝風日晴同集民部居君獨寫片幅
達心寄歸與我歸疑君先於計亦未虛想應移贈
我帆掛及秋初洞庭歌木葉遲君來樵漁

七夕前三日集一畝園分賦紫薇花得瑣字
蕭蕭一園秋茲花獨婀娜綴英吐未歇垂紅色欲

禪艷擬駐朱顏名久借青瑣微思相對人不知誰
者可聊復傾一觴試藉落茵坐

集王樓邨修撰寓齋賦忍冬花即送其歸寶
應得春字

芸生動與植貴自全其真凌霜傲風雪時絀道益
伸詎松柏有心與竹箭有筠不觀弱植藤亦能忍
冬辰纏枝尚左紐敷葉含光新叢葩聚一穗長鬚
歛半唇色白俄變黃似雜金與銀其性最溫和久
服能輕身復宜綴短籬俯與木槿鄰盈盈巖阿側
蕭蕭讀書晨幽香祇自媚不染艷與塵蒸露露彌

潔釀酒酒益醇以此列本草品與參著倫是當伴
君子什襲環珮親奚與當門蘭鋤伐比荆榛不知
物尚忍含芳以濟屯惟人能尚忍鍊性以通神敢
因忍冬花酌君歸淮濱祝君貞晚節同受天地春
為陳坦園題日角硯冊

我有龍尾石寶之若拱璧為君巧奪去至今念猶
惜君復誇日角屬我銘素冊我未見此硯如何以
意逆若以龍尾規舉一可縻百定在季孟間光恠
動精魄資君揮灑奇佐君龍蛇迹雅知一鱗角要
敵千狐白他日論兩勲未知定誰策因思百年內

能着幾兩屐揮毫掣兩肘能書幾疋帛好研不可
無貪研莫成癖保無好事者按圖來求索我言非
游戲須慎防豪客

李蕢齋食瓜分賦得浮字

初晴雨氣歇移午炎歊柔隔巷偶相招忽聚數朋
儔竿懸飲或怯瓜剖食如流博徵及蔬譜默識恣
冥搜乃知其種別硤的綿田疇名始豳風載候從
月令收滋生最易衍削之皆有由

禮記為天子削瓜至于庶人皆

有判賦推劉陸麗格挹張傳道西方負金體夏日嚴
冰鏤巨負形類斛小握圓同球懷丹間被素竝蒂

珍括萋傳聞燉煌產其美潤沁喉迄今哈密貢香
脆味殊優不識東陵生昔曾甘此否我近患腹劇
戒冷忌腥羞對此不敢噉任彼沉與浮因嘆胡不
歸荔子負三秋繫瓠古所歎抱蔓今方憂只願去
荷鋤種瓜還吾邱倘或逢谿父登陟凌瀛洲

蕢齋種竹分賦得不字

移書來古巷種竹傍墻頭風聲與竹影頓令小牕
幽硯借清陰潤觴飛翠靄浮子猷高興發還應似
君不

分賦得韓退之納涼聯句即用其韻

天方降炎威地不分南朔廣熾一洪爐備燉諸凡
濁火鬱金氣柔離爍陽光擢身欲浮三江志思凌
五嶽更羨赤鱗遊臨淵騁滂灑又慕蜥蜴潛深巖
挾冰雹調息數吸呼洗心習靜愆纔解一餉涼未
得終朝樂况我魚肆枯豈能比鷺鷥汨汨混京華
棲棲逐塵邈雖云遊帝鄉詎比去天握每臨視日
影最苦是午卓炙若艾灼身磨熨鋸礪角况欲謀
稻梁時用資飲啄經營念方焦造請顏已渥豈容
桃笙卧安得塵尾捉局促居兩楹偈仄仰尺桷容
膝審易安執熱倦思濯水巖濺霏微山石行誦犖

小隱宜深山大材貴完璞此志既不就石田荒禾
穞昨過招提遊無異鳥脫殼地勢挾陰森勝情滌
齷齪自有甘泉汲不須藏水斲快如馬脫銜豪類
舟橫梨涼颺集煩襟清夢得一覺攢壁饒古畫變
相幻容貌面壁儼縛禪入定悟叅學清露葵葉新
香風棗花撲念謝利名韉戒斷貪迷鋌蓮座擁曇
華蘭若叢芳葯瓜從龍井浮芡想雞頭剝桑門謝
塵囂箭鋒絕謠詠老僧八十餘戒律願而砢方外
交味長經過不嫌數昔遊輒或迷新詞筆恒搦閑
知晝日長靜領太古樸議論雜俳諧風雅資揚摧

牆頭布鴿翻籬畔午雞喔新茗戰方酣芳醪鑿共
勅日轡迴金輪雲屏垂翠幄欲較虎豹辭愧乏瓊
瑤琢

新竹用白香山韻爲顧秀埜賦

渡江別此君半年違舊識何意到君齋覲此幾竿
直孤根本自危朔風吹何極艱難挺青篠空庭爲
君得比者新雨餘綠滋好顏色對客哦其間懽賞
窮日力而我亦來過樽前道相憶此君顧我笑醉
舞歆吾側似共南山南不忘北山北我欲移此君
無力轉淒惻

垂釣圖爲程萬亭賦

萬亭真奇士嗜奇固無匹曾問幔亭津欲守楓亭
驛相逢在維揚論議挺峯律日欲空古人手仍理
散帙上下古今間奇情貯一室箋註及蟲魚博采
徵刪逸飛走卵胎濕一一詳記述持之獻天子識
小固其質詎意金在冶精采鬱未溢且復託歌呼
旅懷寄抱膝莫羨長釣竿欲擲秃毫筆莫羨長袖
舞徒咎未工瑟壯夫勇有時逢年豐可必不觀干
金駿萬里騁奇逸應易釣師圖破浪乘風出

贈宋山言

曩獲緯蕭集細讀匡廬詩歎息果傑構知言真吾
師比來十年餘著述聞益奇思願從君遊雲龍上
下馳相去幾千里遠道輒參差去秋大比年網羅
搜熊羆人各堅壁壘競欲拔蝥旗君遂張北軍余
亦綴南枝頗謂及春明對策趨彤墀蠅翼附驥尾
絕足因風施何意各垂翅中途復相岐君先還江
南子舍猶西陂予獨困于子殘冬尚奔波問津楊
子渡停棹胥江湄清風鈴閣下滄浪水漣漪龍門
詎易泝東閣乃容窺退因獲對君杯酒歡相持頓
然豁胸臆幾復忘窮羈緬思君家學淵源何逶迤

文名振江左上達九重知斲屨何足云會當決藩
籬下視燕雀儔得無劣見嗤人生在不朽三立稱
男兒願君崇明德努力樹芳規接武繩世業應運
恢明時

武使君贈秋露白作此酬之

海陵武使君贈我秋露白不復羨蘭陵更與惠泉
別瓶罄源源來還期用不竭暴富類貧兒私心自
怡悅賞盡三春花邀燧九秋月一飲一懷君君寧
不耳熱

紅蓮米

昔聞吳都賦粟羨海陵紅一飽嘗纔及餘甘香更
充色殷占種美致遠驗年豐聞入天庾供何因餽
野翁

贈福州顧太守

道山在蓬壺奚來自閩壤記從南豐傳跡因光祿
賞中峰峙嶽峯影切霄漢上仙史憑熊車高明愜
亢爽

于山集九仙靈境固無匹層巒縈春雲清泉浴朝
日行印度花間放衙理緗帙千載媿端明風徽仰
翠嶺

贈范別駕

幽居屏人事委懷在詩書冥觀大化運靜閱盈朏
除歎茲渺爾躬俯仰乃茫如
側聞有淑姿皎皎臨風立鳴玉以爲佩采芰以爲
襲東閣依官梅清風冷然入

遂遵海濱來問奇探幽討日月歷晦明川原辨濕
燥熊魚知難無榮名以爲寶

作宦如作客蕭然長閉關庭虛來兩雀逕靜長苔
斑霜餘萬木落拄笏看龍山

登道山

蒼莽郊原平青翠衆山立誰據一峯奇雅致羣賢
集斐然各會心競秀在篇什

爲查查浦題宋揭黃庭經後

憶昔在湖上君傳示此帖如遇絳宮仙琴聲奏三
疊跋尾寫兩行匆匆意未愜次年聚京華羣彦相
步屨各出所有奇如會岐陽獵君仍出此本未啓
氣已厭諦觀紛衆手各以臆嚅囁或云會稽摹猊
怒驥蹠躐或云通微書院體無弗協予豈置無容
默以神相攝緬其出塵姿真具行空鬣徐或竭蹶
趨吳恐揮掃怯奇絕細雕鏤妙處存拓搨下真蹟

一等定評非爲躡歸來復五年百憂疲萎爾多病
兼健忘萬事付秋葉惟願誦黃庭養生修淨業何
意君南來芝城忽相接動詢帖亡恙無暇語相憶
君索予再題貂續豈容輒况復病腕弱力不任一
篋那可少諸公聚訟紛投牒予藏有稷序古香凝
秘笈當日懷仁師妙蹟此摺摺蘭亭無下榻對此
總媵妾君許互題識相賞欣目睫此語予所樂已
復忘喋喋

金雞橋落成予遊筍江來觀次東坡新橋韻
昔趨萬安橋詫彼跨海霓今過高士峯壯觀復茲

溪夾岍兩山秀中流亂石低何年鼓洪漲壞此百
尺堤鼇首一朝感寒涉相推擠即用乘輿濟不足
給日西大道荒百年行旅絕攸躋賢侯岐陽裔春
風騁馬蹄念此欲鞭石豈待旬日稽扁舟來相度
不驚鳧與鷺遂成橫波梁竟似凌空梯詎煩動磬
鼓靡金若沙泥大工一朝集鴻名達金閨我來就
山水書劔相提攜春遊到筍江囚來度金雞坐觀
安磐石不用鑄牛犀賢侯有妙筆讀書常燃藜作
記追君謨刷字磨煤臍

舟發長淮趨亳州

橫學齋集卷一
三
扁舟泝濠梁清風遙相控千年古蹟遙極目聊一
送荆塗嶽色聳淮渦河勢動壽春堰已湮滁陽事
堪痛展閱潛溪文慨然一微諷欲酌長空月誰餉
白墮甕

乙酉生日客莘城緇坡公集得所爲東坡詩
八首按其年譜正公四十六時作也予何
人敢與公同年而語特向服膺公詩因是
以寫其侘傺無聊之槩故爲之次韻云

未能登廟廊復難返蓬蒿進退兩無據僕僕徒爲
勞非不思息有顏影誰能逃蝸有涎自潤蟹有匡
藏膏二蟲我不如嗟此兩鬢毛撫躬生此日安得
獨自高

中原眺蒼茫驅車安所適炎日爍肌膚烈於寒起
栗蔭從莘野憇泉向空門乞甃偷忙裏閒敢厭勞
即逸晨雨忽東來涼颺集一室將復理遊裝整轡
夷門出鞭短馬腹長行行安可必

疾病鎮縈身頗苦俚腰背乞得一七葉不及三年
艾行任總支離貧困方交會總因創巨後輾轉在
苦塊心枯俯仰中慮隔形骸外舊學日以荒新聞
誰能嘗嘗恐考德者問我業安在散碎補遺忘何

異攝腥膾

海內號英賢靜中屈指數或工雕龍文或擅揆天
語才堪八斗量筆容九鼎舉彙征拔連茹彌縫揭
針縷氣象俱崢嶸各位互撐拄都已騰雲霄各自
致風雨偏我獨向隅如脩脯失筮途窮昧東西人
賤離鄉土虎鼠成異形相觀乃如許

少年好涉獵中歲道未荒頗謂致身易可以企踵
望誰知憎命達假易靳彼蒼太息右文世詩書氣
蕃昌而我獨岐路兩目徒望羊揣摩愧未成養翮
固難忘

廿年抱一璞思就大匠斲獻之羞自媒銜之損吾
慙憑依乃自爲龍鱗挾冰雹材大斲而小母乃負
幼學不觀元凱賢亦舉自四岳當今盛夔龍位望
羣卓犖薦口不噓寒枯魚澤誰渥養晦願需時莫
競爭頭角

殘月三更吐曖曖籠遠村涼夜思關山萬里隔短
垣明河曙耿耿徘徊仰天孫懷時傷逝水感物念
出門故交三五人誰能枉相存珍重進杯酒勉強
加盤殮分誼且自篤報施勿復論古人重俠節四
海皆弟昆

東坡享盛名迨迨數百年當時困遷謫乏食無一
錢吾窮獨類公守賤安園田快心有敝帚長物餘
舊擅虛名籠今昔身後誰愚賢只宜埋中山美酒
賒十千

以先狀寄鄆令溫岸先并述鄙懷

嗟峨堯門山蕩滸白渠水周爲焦獲區漢屬馮翊
理地勢趨廣原風俗夙淳美子真既高寄衛公自
竦峙間氣鬱輪囷名儒相踵企端毅篤剛方恭毅
端學咫尺至今兩太宰流風子孫被冠纓紹前哲學
術接後趾君爲端毅支英聲少鵲起先君早握符

作宰鳴珂里庚子吾以降官舍懸弧矢未辨菽與
麥已長髮與齒莫茨逢七更纔向澶淵徙回首兒
嬉地猶在心目裡山河邈以遠日月如奔駛彈指
四十年忽忽如夢耳讀書久不達寒門愧衰圯勉
從園橋趨徵錄蘭臺史初得策微名薄遊長安市
烏府數經過斗酒爲娛熹與君會須臾執手念先
子同車不同騁內顧實汗泚已復六七年吾忽遭
哀毀支離欲無生寧更計身累無如有高堂負米
亟甘旨擇術萬事違只宜鑽故紙再渡桑乾曲聊
憇莘城址聞君近製錦名陵名父比雅欲觀雅化

且願親道履恐以風塵軀爲君累行李特遣一介
來求錫先人誅知君篤淵源誼不忘桑梓况吾視
池陽尤嚴如畏壘桐鄉遺愛存扶風椽筆似倘獲
微寵靈殊樂陳終始士食舊德名農服先疇耜蒼
蒼薰葭風溯洄誠仰止他日繩大業定當恢先軌
闕學日正中庶其樹律晷

述愁三十四韻效昌黎體

朝遊結深愁暮宿抱虛警我亦澹蕩人靈臺奚自
梗莫復涉患途或自溺慾窅不知我所懷別自具
耿耿日中常苦蕙月盈必虧景人生壯盛年那得

常幾幸况我邁四十昨非頗知憬非不翼仕宦枵
鑿乖所秉非不志讀書汲古乏修綆非不樂躬耕
負郭無二頃慈親登耄耄白髮垂素領阿兄亦古
希志雄目已眚下逮妻與孥食指百十并向我索
饑哺對我號寒冷且邇遭外艱大事苦力黽世途
本狹隘我質復頑憤安能奉駟僮偈然延項頸豈
無素心交各自負隄埂何可以遠遊爲家室託請
僦然帶病軀千里事馳騁進寸退且尺年餘距淮
潁超超自憎形躑躅常惜影行行達京華遂遂謁
臺省五年判雲泥形骸隔幽屏不訝鴛戀棧必嘲

蚌處井孰憐食蓼蟲螫口自咽哽大類觸藩羝束
縛不得逞受命甘久貧趨愚悼前猛俯仰各背戾
前却失眠整固應日咄咄忽迷數乙丙惟寐或忘
之翼醉長勿惺朝來秋風冽寒氣透骨靛燧書空
復緜孤燈聊自炳歎茲寥廓區竟有跼蹐境

旅齋雅集

客子畏秋風矧滯長安久迹類歲星留寓乏細君
守同心復離居常隔重門右何以解我憂叩須望
我友昨遷宣武東古巷饒榆柳頗迴故人車晨夕
訂聚首雅復得瑯瑯好客如恐後指數名輩流恰

只得八九折簡闢書堂盍簪挹卮酒列席潔盤盂
借庖庀瀧滄痛飲到沉冥險韻爭揭鈕一洗暑餘
敵祇覺懽情厚借問河朔會有此風流否星霜易
變遷賢豪聚不偶願各保金石不希易所有

題山水圖爲玉山沈使君作

我家道山麓中頗饒松桂謾謾風晚吹冉冉香搖
曳時挾一編書披襟見光霽自落塵網羈一被緇
塵翳回首望鄉園雲山勞夢寐何來見此畫深林
蔚迢遞老龍盤扶疎小山森叢鬱三間瓦屋幽萬
卷牙籤麗借問圖者誰毋乃與愚例不知善讀人

早已具夙慧託物非無因寓意有深計巨幹棟梁
需繁枝金粟綴梅檀薄冗材薌 鄙蘭蕙行行烹
尚鮮濯濯錦方製詎如迂疎人拘牽守文藝此圖
能繪心豈止形弗離明年我還山孤舟爲君訪看
取甘棠陰又爲衢民蔽

上商邱宋冢宰公

憶昔初至吳公方理藩政春風綠牡丹薇省聯高
咏爾時東南士仰公如斗柄嗣聞撫西江威名邁
李晟潛消反側心深契湖山性及再移吳會坐鎮
崇清靜文教事昭宣繁華黜俗屏節鉞十三年心

比滄浪淨近者陟春官喉舌異申命人才羅夾袋
銓序懸明鏡素絲退食餘風雅資涵泳開尊集名
流守歲協家慶簋陳方錯物甄挈醪醑迸良會既
歡駢新詩絕幽夤鼓吹揚休明激揚崇雅正承平
前輩韻故事遙相映懷新念舊歡慰感忽交併年
華如轉轂歲月易馳騁非公嗣芳徽誰爲煦冬清
翻因雅集全轉憶流風盛玉河清車下半莞爲壽
竟西涯有佳話傳聞生肅敬惟公追昔賢賡颺弼
明聖燮調玉燭光頓起蒼生病愛古豈薄今直道
還孤行走澁與僵籍哲手得王竝序當小除前論

從月白評春生綠醕濃寒洩紅梅靚窮應送去休
福自邀新迎東皇取次來驄騎花間橫載和嬉春
體敢辭盤空硬

題藍采飲歸山圖

采飲策蹇驢來京未匝月遽欲別我行言將返閩
越我雖送君歸興逐征鞍發君出一軸畫青山蔚
林樾孤邨煙火深茅屋山泉滑中有人讀書忍棄
簪與笏而我復何爲塵鞅甘汨沒橐筆趨金門觚
稜上丹闕頓愧舊學疎那得故書揭長望懷古人
高風想突兀安得共此翁鴻冥共超忽

送龔叔度之官竹溪

皎潔冰雪姿卓犖瑚璉器十載遊京華青雲乃立
致文采本資身經術足飾治云胡剖竹符顧得竹
溪吏矧磬山谷深蒙茸篁菁邃古稱庸濮區秦豫
犬牙地蠶叢舊萌蘖幾欲甌脫弃前代倍綢繆規
恢始縣置鴈鴻奠斯集麇麋擾而至宛若雞豚墟
居然民社寄曉旆風林紅晨炊濕煙翠行印花繞
牀鳴琴泉激吹妙絕山水都何妨簿書委况具淹
雅才搜奇乃職志隨車輒拊循勸農勤撫字終歲
無將迎匝月少庭質種木展芸籤饋食進修構當

借捧檄馳用申白華志人生樂事多逮養得祿賜
且已侯百里惠政廣錫類即事賦新詩因行動離
思勿以士元才案牘薄不視勿以武城小牛刀惜
不試望君速最聞前言聊用戲

題畫爲巢司空作

冬曹事頗稀秋日氣自逸堂飯會寮采笑言展藹
吉巢公有道人氣宇尤萃律偶出一圖卷繪事殊
精密初見波盪天扶桑能浴日又見奇峯開膚寸
雲嵐出虬松鬱干盤礫砢具沈栗叢桂四五幹奇
香盎浮溢似遊蓬島間如入蛟鼉室何處得此本

疑是仙人筆或寫公所歷混同帛綠匹維公貴近
臣臺閣舒望實中流砥柱才大厦棟樑質真氣森
噴薄卓犖明撰述閒情托豪素餘事寄超軼只恐
動旁求審象從君詰他時莫披圖補袞寫亮弼

春暉堂讌集分賦得張志和送查查田南歸

煙波滿天地何人是釣徒緬懷玄真子清標揭冰
壺仕宦偶然耳卷懷期從吾決去辭金馬肥遁還
江湖一茅隔流水十載栖窮廬豹席躡樓屨隱几
咏軒虞著書三萬言樂志良不渝名成動天子樵
漁賜婢奴至今茗甞間泛宅傳畫圖悠悠西塞遠

樓學齋集卷一
三
渺渺漁舟孤千載嗣依人高風起菰蘆何當乘風
雨簑笠同歸途

題宮紫玄先生春雨草堂圖
我曾遊海陵涉冬鄰歲暮兀坐霜蓬中不及問春
雨側聞名園勝四面涿水注臺榭曲徑幽嘉植小
山聚中有避世翁履道守貞素甲第家聲華宵使
裘馬誤乃知巨室傳不以喬木故矧茲卜代興玉
珥相比附孝友誼益敦詩書道彌固瑞應和氣鍾
木聯畜互乳此理信有徵詎用術推布披圖迹若
新策遊興已作會當扁舟南直闖雲林路飯煮紅

蓮米酒傾秋白露某水及其印一一爲君賦

題求志圖

君繪求志圖我賦求志詩各求各不應中心翻復
疑毋乃望過奢或由好希奇造物不靳惜顛倒趨
途迷或田一二頃或屋八九椽負陽踞山坂面水
臨清池牆頭圍薜荔籬角編茶蘼榆柳蔭衡宇把
菊被堦墀牛則耕於隴雞乃鳴於埭間或持釣具
撥棹波中移得魚且換酒聊盡手中卮膝撫無絃
琴醉哦有韻詞此事非所難顧亦勞夢思信知清
閑真真有物操持君抱用世才博古窮軒羲倦遊

志歸隱欲老傍茅茨竊恐巢由輩未許君追隨不
如卷畫來一博勝者誰且得冰紈素聊洗爾塵緇

題吳東巖洛迦觀海圖

魏武一代雄志欲凌滄海東坡百世士浮海顧忘
殆乃知豪俊人胸次定奇磊我亦海濱居乘桴勇
嘗倍四十曾一遊層波望浼浼雖未汎瀛洲頗已
窮巖猥吳君黃海奇博學富文采好勇過我甚買
筏棹欵乃初溯蛟門濤繼觀扶桑彩法相靜可參
雷音喧不改溜雨樹幾圍濺澗珠聯琲修迦咏可
傳白華圖斯在儼如萬頃中極遊到雲鬢年徂興

猶豪境隘遇益痲彌思馳域外望洋騁九垓何當
從君後題詩澆塊壘

爲許雪邨題高房山雲山圖次卷中韻

僦居長安市臨水數間屋賒酒嘗寫券飼鶴虛糜
祿雖擁一牀書詎忘三逕菊眷茲丘壑情每飯嘗
三復許郎知我者遠來慰幽獨示我雲山圖滄然
在深谷依依墟里煙翳翳溪旁木抽身尚迷途縱
覽已娛目人生勞形役萬事苦不足何時息長生
容我圖中卜

七夕偕任齋舍人同直次韻

蕭爽颯金飈長空暮雲斷今夕復何夕明星熒河
岸玉階蟲響切宮樹螢光亂餘暑却青綾官燭燒
夜半乞巧病未能拙宦功宜筭君才十倍高賦出
黃金換襟期邁今古職業修日旰異趨同功名相
期勉柔翰

題休寧汪師秋澗濯足圖

天都鍾間氣挺生此英傑曾羅古墳典志希曩賢
哲壯歲文譽騰魏科早探擷繼讀中秘書才望益
超絕優游歷郎署督學僉閩臬廉操婉冰霜文章
戒軋茁教澤被八州細不遺謏劣選拔貢國雍蟻

蠶得上徹晚荷特奏名培植由根蘖坐幸依春風
侍獲追立雪憶惟庚辰冬河濡共停轍稍稍相過
從依依親論說從此南北岐及今竟長別念之劇
酸辛感歎裏內熱忽披此畫圖如劄撰屨列悠悠
逝水波皎皎歲寒節安得起九京爲世樹標揭

送編修徐澄齋同年使琉球

島嶼環海中錯落如棋布職貢修中朝琉球最恭
附覲獻接踵來代襲必趨赴前明三百年舊事存
典故使者十六輩衽席來槎渡我朝亦再舉慎擇
公選注采望遣詞臣遴布拔豐羽今年出乾斷簡

在由宸顧堂堂兩侍從卿材類能賦陛前受使指
冊禮依例具祗憑風信行勿慮征程誤載令協律
郎往彼測天步維時我徐君被命同囑付慷慨樂
乘輶過家上冢墓且欣拜萱堂稱觴展孺慕玉韉
麒麟裳八駟擁韎韉丈夫志馳驅皇華稱殊遇况
乃萬里遊萬頃凌煙霧豈無簡書懷事會造相忤
不得同君歸相與驂鸞鷺送君出春明秋風吹遲
暮帆揚揚子江旌抗楓橋路父老夾道觀兒童走
僵仆紅葉照仙霞早梅綴柘圃此時詩興發宜儲
錦囊句淪茗建溪船探荔鳳岡樹嶽嵒道山亭縹

緲辦香炷芳崩海濤風汹涌螺江怒此時興轉道
編摩託豪素明年至日臨東南溫風足三日抵中
山那霸館前駐閱冬至夜長好把帆牆固破浪挾
濤飛自有神靈護忠信久堪涉聲靈况憑寓入境
宣恩威概用柔懷諭日本與暹羅皆令聞置措皇
圖恢八紘蠻荒徼雨露鯨浪波不揚蛋樓釋兵戎
彭湖一髮浮鷺鳥半規吐歸來徵使錄豈特廣鞮
鞞

青兒得鼇峯徐興公遺書五十餘種錄其目
與跋寄至京邸喜而有作并示岍兒

平生愛書癖垂老未能釋譬如饕餮人流涎嗜肥
炙又如聚斂者銖銹務拮據自晒炳燭暮時光如
驅隙何苦獮祭勞甘此蝨齧冊結習顧難除把卷
欣然適每嘗語兒輩胸次勿迫窄學當貫古今義
須本經籍曠觀前輩賢孰不典墳索吾鄉海濱隅
見聞終扞格若非事詩書何由展尋尺曩哲謝與
徐勤錄肆探頤精騎哀萬餘秘本購千百市朝忽
改移籤帙旋遭厄瓿覆固堪虞部亦亦足惜予時
丁盛年志欲奮六翮念惟富縹緲始足恣論覈適
有宛羽遺許以十城易亟脫汝母釗佐以古玩劇

煌煌二千本奕奕充余宅貧兒暴得富匹夫竟懷
壁環堵古香叢插架文光射終藉此先資乃竟成
麗澤廿年客京華不至迷阡陌策勲固在茲詒謀
詎用數兒能繩父志好尚無頗僻所敦在芸編光
陰恐虛擲每嘗寄書來老夫嘗啞啞昨復致二紙
快意說新獲書是徐氏遺字是鼇峯迹圖印識收
藏題跋詳抽繹四十七種書百十年間隔一旦歸
書囊如揖重來客老夫聞之喜懽酌浮雙白遺金
縱滿籬何如萬卷積久宜輒得窮穎禿不耐畫惟
有教兒孫翼永書香脉兒解藏書好自受讀書益

長林蔚松楸藤朶紛蘿薜老夫懷歸來展書樂晨夕

壽穎雲姪

己亥正月十七日爲穎雲姪五十生辰時姪客長洲予宦京邸未能合并姪寄扇索贈詩予即草二十韻答之先寄詩稿呈來齋大兄情見乎辭蓋欲歸而未能也未幾姪歸省又同洙兒來覲吾京師十年契闊乃復聚首今又將言別矣姪申前請因出付之予既倦遊不知何時能賦歸來尋對牀風雨之夢也

吾年邁六旬汝亦屆五十星星鬢各華碌碌翼交戰一本共敷榮綆短乃分汲汝貧離子舍客依長洲邑吾拙宦西清微祿不充入使汝餬四方念之恒愧及差喜汝父健子孫繩緝緝耄尚裒金石囊不顧蕭澁吾家多壽耆孝友代所習雁行見汝輩羣從尤既翕吾嘗顧之喜轉復煩憂集羣居食指繁薄俗錐刀急世途日以隘門戶難撐立所願樸素敦一用雍睦輯山居半力田冬餘勤負笈隴畔荷耰鋤溪邊辦蓑笠刪竹縛雞栖和泥補豚苴釀泉作邨醪炊稻蒸雲粒長林莊租完薰葭堂稍葺

家慶杯相持靈壽杖互執頗較雨量晴亦賡韻編
什庶幾春草夢共此對牀襲骨月聚首懽耕讀量
力給期汝樂餘年逝同理歸櫟

以水晶眼鏡贈方扶南承以十六韻見酬因
次爲答

五官勢竝用惟目不容瞽葆光同護珠防翳如禦
寇年至昏花生大類困沈耐疑油就滅燈如箕燃
及豆汲多泉或竭漏盡表時仆相隨歸盲途何術
爲補救乃有波斯人妙理得天授割裂片水晶磨
濾滓清漚攬光取魄斂擊遠以近收玩字別毫芒

披圖辨皴皴隔膜得篋刮捉影用燈就暗室漏逾
明重光豈嫌又持以贈知己和弓配垂鑿賦物悟
筆先策功詡肘後俳學毛穎體格在元和右願毋
歌長鋏詎畏舞短袖

送李天山宰安仁

曩與君定交憶是丙戌冬時余待金馬君尚滯冬
烘及予以艱歸君已捷北雍聯蜚登辰榜忝附特
奏重嗟不能共騁相逐如雲龍顧學退飛鷁不予
同駟蚤十年嘆秃穎溫飽不能充君亦疲奔走南
北事飄蓬今夏君南來絕意忘花封奚期世不釋

謁選膺遭逢安仁百里寄舊俗謝煩衝君理以靜
謚知慰彼喁喁此時得巖邑拊循展從容尚可爲
生民補救事彌縫莫愁簿書束且免僕賃供經綸
隨手展吟咏陶心胸倘諧歸田棹得遂還山筇逝
將過君署對牀話高春賦詩慰勞苦杯酒叙離悰
鄭魚門侍講督學江南詩以送之

衡文士所宗作師帝是授稽古曩至榮畏途今叢
詬良由慾薰心致使塵迷瞖局外得掣肘事後竟
遺臭每嘗歎頽波安得砥狂溜雍雍康成公孤起
翔文囿體立用彌弘才大學逾富世途隘熟籌闇

然退處後屹立蓬苑中公望作領袖江南需督學
帝俞不須復特勅汝往哉其書升論秀君遂拜命
行堅持矢屋漏律已執靜深待士藹寬厚務崇正
學宗要洗前規陋三年駕輶車巡歷覽封守或文
浮以囂或質樸而造總歸洪鈞中華實竝美茂羣
楷亦受裁衆良期輻輳賢裔與軼才廣求而慎收
矩步律采齊元音叶節奏驅黃駱驂驪一一充天
廡苦節甘安貞洗心祛雜糅潔能澄濁流仁自馴
暴獸他年學政成棧樸盛薪樵歸朝荷寵褒立躋
冠朝右直使華峯巔露標貫薇宿

樸學齋詩藁卷一

樸學齋詩稿卷二

古體七言

甘泉宮瓦歌

文曰長生未央

甘泉漢宮遺古瓦落日飄零荒隴下
 風摧雨蝕不記年誰人物色求諸野
 阿兄隨宦入西秦探奇好古搜沉淪
 西京文字傳絕少何意四字留鱗岫
 壇山周刻此其亞五鳳魯甄筆態新
 非篆非隸攢古意不凋不琢含元淳
 歐陽集古見未到劉攽博雅辨誰真
 二千餘年始出土信有天意非關人
 乃知自古能不朽長生誰得如汝壽
 昨日草澤今席珍

世間顯晦亦何有

已巳春三日侍家大人同黃處安謝青門陳
白巖三公飲梅花下

黃公汪如千頃湖青門百尺青珊瑚白巖老丈清
且癯過從吾父索笑娛年皆杖國龐眉鬚魁壘不
讓耆英圖庭前老梅紅吐珠獻歲恰及新開酤群
公矍鑠列仙儒談鋒譁浪相揶揄新詩點筆絕雕
鏤游戲太平嬉黃虞風致真與天爲徒躡足登樓
騁望殊絳雲一朵幕庭隅迷離冷艷香襲膚吾家
孤山望不孤何羨羅浮三萬株命觴百巡樂愉愉
小子韞匱執爵趨承懽行樂忘日晡但願有酒如
澠日爲醑長侍數公綠髮游方壺

辛未初夏舟發困關

昨朝維解岳山麓今日舟泊困關宿輕舸飽受滿
帆風兩岸好山青於沐困關受潮潮欲平上灘微
聞漉漉聲煙鎖寒溪留一綫春歸疎柳隱孤鶯頻
年屢作江南客於今四度關前驛壯心欲向九天
搏側身未奮冲霄翮整因逐隊問征夫何處青山
不可廬他年得遂扶搖志耻在關前說棄繻

送蕭靜君之吳

鄧尉梅花銅井茶扁舟曾共宿僧家雲巖辛夷長
蕩柳山樓嘗把杯中酒去年行樂惜無詩今日送
君還此時平生最愛江南景一曲孤桐繫別思

許月溪松爲周蓮峰賦

高撐拔出青一叢左擎右攫如虬龍中涵萬壑來
清風根底輪囷琥珀紅畫之者誰月溪翁索畫者
誰周蓮峰兩人清興將無同去年聞上萬年宮指
點道傍最古松依稀粉本藏腹中今年白嶽探遊
踪黃山在望雲濛濛夾道無數蟠青虹移取一株
斜點空蓮峰南裝截碧筒歸誇故人樂從容開襟

醉月浮千鍾與圖相對無終窮

遊西禪嗽露荔同潘稼堂先生周龍客陳虞
佐申昂青作

閩南六月荔子香筠籃萬顆留江鄉紅塵空傳從
遠致誰知露採枝頭嘗怡山古寺近城郭長林騁
望心先涼周遭有荔三百本老幹種植自前唐寺
僧相邀來結夏裘屐雜還紛道傍郊行數里鬱蒼
翠荷渠的歷穉稭黃入門朝曦散雲錦到寺雨洗
紺珠光快剪磅殘委丹玦輕綃裂盡含瓊漿冰桃
馬乳豈能匹靈橘楊梅烏可方天生此物留海表

色香與味兼其長直須一噉盡三百快意可傲諸
侯王群公來遊知愛否縱不爲口計亦良坡詩我
口只爲我欲圖成行卷子作詩紀事留君囊他時解
說閩中勝定數此會還嗟強

簷雀行

窮冬朔寒氣欲坼晶瑩斗室生虛白冷絮如冰眠
不成時有暗香浮几格忽聞簷際雀飛鳴狸奴驕
踏頭上行血肉狼籍羽毛化令我展轉生舛營黠
鼠能營三窟深嚙嚙終夜聞有聲豺狼不問問狐
兔雀兮雀兮爾獨傾

羅浮看梅圖爲臧喟亭賦

臧君學道探月窟朝憇三山暮東粵去年人日駐
羅浮萬樹梅花遲君發巡簷索笑歌且吟山中老
僧訝足音風塵瀕洞滔滔是安得如君高興來相
尋咄哉此遊真不俗吾欲從之嗟爾足何幸翻從
畫裏看翠羽啾嘈深山曲始知勝事本良緣覲面
不逢亦何益君不見虎邱同住送春歸我在山南
君山北

丙子正月望日過北林坊拜明僉都御史南
澗公畫像并成弘諸公題跡感而有述

我聞前朝成弘時正如皎日升中天朝廷清明四

海謚百辟卿士羅俊賢大者磊落負奇偉小者敦

素絕輕儇文章節操各挺立道德勲業相磨鐫維

時吾鄉林一姓東西南北分馳駢南澗先生號北

林丰采諫掖雙藤懸請誅妖僧縛亂卒南澗公有請誅繼曉

疏福州衛卒定難濟變材具全望在朝端功在野

敏達剛果譽非偏何當一去二百載時代變易若

奔川典型彫零文獻杳回遡如在黃農前昨過公

廬覩公像長髯廣額樹雙顴英風颯爽望可畏孝

思縑綵情猶傳鳳山哀辭血淚迸鳳山南澗葬母處求其墓不得

為文以祭白寸草春暉思慕堅南澗集其父紀善墓志傳狀為冊李

長沙題曰紀善輓章集前後輪囷大冊縹緗連西

崖樂府生薑辣長沙有兒食薑古詩為南澗作公甫草聖蛟龍纏

蒼萃妙筆百餘幅宗室勲舊胥牽聯當時一字已

足貴况乃異世瞻遺編門生姚江新會友陽明先生出公

門 臭味針芥詎偶然人生遭逢在明滅龜麟芝草

合呈妍事業光前具史冊詩書錫後留雲煙摩挲

展玩三太息使我尚友心彌虔嗚呼九原如可作

忻然竊願為執鞭

玉筍堂聽琴即送翁岸甫學博之尤溪

世人萬事皆背偏因陋就僂趨簡便一聞莫古資
笑嚙豈獨聆琴目先暝緊君骨格何清奇疎髯長
身眼如電久寓琴川善琴學淫哇真欲以耳瑱君
才既逸心意超紆徐節奏業尤擅頎然而長黜然
黑儼若先王與覲面我雖知好不能學亦祇臨淵
徒嘆羨高山流水有知音且振鐸聲臨古縣筍堂
主人慕指訣欲從君學陳眷戀於今此道冷如水
何乃積陰頓見覲維時跌坐廁堂中相對無言慮
先遣惟聞天半松際鳴微風謾謾冷然善歛如流
泉滴空澗纍纍不絕成一串乍復斷續意悠揚絕

似銅壺激漏箭齊物自得與天遊遺世獨立絕凌
援靜如處女守春閨猛如武夫當後殿寂如禪客
坐空山淡如秋士鋤花甸藝極真能與道俱術精
端歎斯人選曲高調絕非寂寥倡予和汝相後先
我常嘆息知音難曾破羣疑遭俗譴看君守待定
不孤令我豁然悟初眩君行勿厭教官早定有好
風推上殿

題藍采飲畫

采飲胸中無點塵吟詩飲酒如有神有時興到寫
山水筆法直逼倪黃真方春三日過我屋我坐困

樓學齋集卷二
六
億方病目君謀爲我破寂寥一樹一石意亦足天
下不羈誰似君大言怪語驚覩聞直當拉君入山
去遯世只鋤山中雲

戊寅初夏游新安有囑榜書撫松居者并作

歌貽之

我家本在閩州南出入千峯與萬壑北行取道新
安江冬衣已換春衫著所聞猶是水潺湲所見惟
有山錯落一住蓀田幾無旬尤與溪山緣不惡鏡
舟拂水波涵山蘧齋寫蝶魂留幕夏夢鄰園有一
松矯矯龍姿倚修閣主人好客迂我登謾謾風鳴

如濤作牀頭有酒架有書過此一生寧不樂主人
命我作榜書何憚解衣便磅礴但媿盤桓無須臾
長揖別松作行脚渡江北去山水稀邠得此松相
酬酢彼時定意撫松居何異蘧然宵夢愕

疊前韵贈姚廷士

人生樂事何者長朋友圖書與邱壑宿生結習在
區區漫言此心無所着茲來兩月憊風塵意致頗
異前落落幸從勝地過蓀田一洗胷中十日惡卧
看雲山在鏡舟薰人書卷堆簾幕君尤好事能娛
賓訪致珍奇羅几閣閒從品翫第甲乙靜與論文

辨述作一日如添兩日長我心云何而不樂祇恨
握手又分襟漫把樽罍瀉磅礴勸君富有自日新
咫尺青雲平着脚丈夫肝膽本相傾寸心萬里能
酬酢詰朝有夢落齊雲山鳥驚回重一愕

附金陵貢舟北行入清江聞有巨魚躍入舟
詩以紀之

長淮斗落勢建瓶清江有牖嘗嚴扃水門激湍鬪
雷霆漕艘貢舫晝揚舲牽挽左右喧牖丁千鈞一
髮心無寧忽有巨鱗躍青冥徑入柂樓氣作腥篙
師驚詫衆目瞢不知此祥誰所令揚州歛貢充明

廷遮莫瀆神來效靈小人有私殊不經祇欲遙傳
雙鯉聞家庭

送顧月田歸錢塘

去年讀君九秋詩蒼茫江上生秋思今年送君與
君別慘淡秋色含離悲長安聚散條忽變眼見不
定如奕棋獨憐君才未薦達還踏春橋歸茅茨毋
乃幾先占介石或厭塵世事韋脂超然要並昔賢
軌讀書抱膝傲皇羲南屏鐘聲波外隱西湖柳浪
盡船移此中風景自清絕宜君掉臂勿復疑只恐
匡牀坐未穩槐花促折蟾宮枝重攜秋色上驢背

北首燕絡風塵馳此時漁邨宜借我辨取釣具垂
綸絲

巳卯臘望遊武夷登一覽亭

吾聞武夷山乃是昇真元化之洞天中間溪流有
九曲三十六峰巧攢細斷相排聯我家去山七百
里迢然神往近十年雖未扶藜臨澗壑早有清夢
來騰騫今冬載過雙溪口偶爾西指思回船舟人
踴躍從人喜四日逕到仙宮前凌晨登筏沂霜瀨
山容刻削風日鮮幔亭巍峙果特聳玉女秀出何
其妍虹橋千載猶架壑接筍一線梯層巔嫣然花

竹藏別塢小九曲內宜安禪隱屏精舍奧而宵想
見禮樂來群賢雍雍絃誦倡擢曲景行千古心流
連當遊六曲望不極天際有亭凌空懸虛無縹緲
人跡絕疑是仙居之數椽因遂捨舟陟危磴孤竦
置身同飛鳶須臾竟達竒絕處天遊觀裡坐安便
俯視衆峰兒孫列欲遺人世挾登仙記稱一覽歎
觀止餘不盡往非難緣日斜趨舟趁歸湍回顧紫
岫邨青煙瞬息佳境不可識惟見皎月當頭圓丹
山碧水如此勝恨不早拍洪厓肩會當買山傍雲
窩盡載羣籍來摩編山靈愛山欲得我定有招賦

歸來篇

鍾吾驛

夜宿鍾吾驛聞是項籍里當時遺恨失江東千載
怒教黃河徒滔滔濁浪排空浮此地如今等廢邱
若使拔山力氣在何難捧土塞中流

辛巳五月望前渡鷺島再疊前韻

七閩僻處在東南亘以羣山環巨壑海中門戶屬

二門

金履二門也

形勢犬牙相錯着何時島客來田橫割

據洲瀛規虎落廿年枹鼓動干戈日月昏黃腥風
惡繡壤千里長荆棘樓船十丈列軍幕幾聞烽火

徹甘泉數見羽書撼鈴閣伐謀用間一戰平神武
不教海波作坐收絕國入版圖炎方始識昇平樂
書生抱膝欲釣竒域外縱觀恣磅礴鰲峰頂上騁
遊遨極目無能望崖脚風雲變滅須臾耳杯酒且
與清光酌掀髯唱徹大江詞百怪魚龍盱且愕

客溫陵三疊前韻贈施平原并追頌靖海公

昨從鷺島望飛濤徑渡滄溟泛大壑回想當年靖
海功樓船血戰爭勝着奠麗山川入版圖招來甌
脫成邨落時平不見烽烟起波澄已遠鯨鯢惡鐵
券天家錫上公錦衣故里開軍幕策勳固久列雲

臺象賢應卜嗣麟閣唐室西平有後奇愿尤超羣
能述作已辭宿衛薄簪裾盤谷山中尋真樂筆峰
橫出鬱崢嶸墨汁驚翻瀉磅礴置身直欲出人頭
千仞峰尖高駐脚我來倒屣荷歡迎杯竿詩篇日
酬酢欲書一序比昌黎筆鈍無能徒自愕

四疊韻贈阮輪山

群山合沓必宗岳衆水縈迴總歸壑射工妙技擅
穿揚欲變穀率無一着大雅宇宙以寥寥作者鄉
邦殊落落黽蛙競噪衆耳塞鄭衛雜奏繁聲惡誰
能廓清比武功一整鼓旗建大幕君才如海學如

山聞道早年事館閣播遷百變隻身存竈突無煙
金石作逃禪悟徹到真空疏滯能尋得極樂輪山
一片夕陽寮紫氣虹光相迴礴昨來一詣刺桐城
不免為君屈兩脚步月尋閑偶然耳膠粘乳化心
相酢願於末法錚鍾鏞大振凡聾謝衆愕

五疊韻贈陳桐臯使君

薄俗陋識競錐刀志士曠懷在溝壑生平不狷亦
不狂宿物胸中無留着獨愁親老養未能踪跡年
來歎獲落款客雅愛茅容真絕裾忍蹈温嶠惡待
詔難留金馬門依荆敢戀蓮華幕天涯交契得君

親曾助風歸滕王閣決起初望九霄搏戢翼又待
培風作看君出政製錦才羨君迎養花間樂人生
萬事總浮漚何似綵衣舞磅礴因君彌念省庭闈
老景侵尋西日脚刺桐城裏荔酒香猶可相致歸
用酢為親口腹累使君安邑行人莫錯愕

澄圃散荔六疊韻酬輪山

長安逆旅思鄉客夢魂夜夜歸林壑徘徊舊業荔
水莊恍覩虬珠纍纍着今年真得渡江回有夢不
待空中落南行况過刺桐城品類繁滋尤不惡迷
離古榦紫帽擁閃爍朝曦紅雲幕侯家池館更清

幽雅稱流丹映飛閣十錢可致一筠藍旋淪新泉
輓轡作沁脾朵口百顆嘗快意足傲王公樂輪山
詩老時叩門臭味與我同盤礴堆盤不許君住口
揮毫那容吾縮脚詩城已拉尚交綏筆陣幾窮強
用酢旁觀童子掃殘紅目笑兩人真恠愕

憎蚊七疊韻

生人嗜慾重邱山腹壑難填如谿壑那須攻取蚊
蚋微責令容身無處着祇憎聚喙輒成雷小了飛
揚升還落潛軀暗室每相攻利口鑽膚大肆惡嘯
爾成羣負如山麾之不去窺入幕醜類亦有蠅營

營囂聲非無蛙閣閣二蟲并案此象長露筋貞女
不可作安得金風為掃除不攻自滅真大樂平心
靜念物與人總閑一氣相回礪蟲處禪中號鈍賊
蚤擲牀上矜捷脚白蛉無質糞蝸臭有生總與此
輩酢且置不較企足眠東方漸白一夢悞

苦熱八疊韻

清源青翠撲人來倒浸嵐光入池壑烏衣燕子舞
雕簷似識朱門欲傍着我來借此飽看山圓景已
見三回落日長惟愛鳥語幽夜靜不厭扃聲惡寺
鄰榕樹鬱陰森似建十丈清油幕觚稜鐘磬韻稀

微恍見天花墜佛閣遠公杖屨時往還險語長詞
相疊作前年河朔文字飲今年此地吟咏樂但覺
風林致爽疎那識炎敲氣蒸礪温陵焦土褊襫客
赤日何曾停兩脚詎能知我霜雪腸冷淡生涯日
酬酢此樂莫使兒輩知正恐冰炭相嘻悞

集萬爾言水渌園九疊韻

如君自是瀛洲客莫戀花間與雲壑一泓綠水淨
無波萬卷書城坐擁着上下千古藝苑中眼須崢
嶸胸磊落且須揮取如椽筆一洗紈袴氣習惡大
言滾滾浪排山小言颼颼風生幙他年執此典絲

橫學齋集卷二
三
綸體格應須號臺閣我嘗愛誦青蓮詩每歎大雅
久不作為君標舉領針芥把杯深識論文樂况兼
高柳映深塘曲岸迴風足磅礴小舸擊楫泛中流
欲叫吳歌歌兩脚洛陽橋上月初生清源山中泉
堪酌與君水淥共徘徊清夢飛歸猶藝悞

十疊韻酬鄭子俊

九仞成山由一簣萬頃納流自衆壑世間義理如
牛毛滿屋散錢須貫着天下讀書有幾人眼底晨
星殊落落氣習已錮識見卑詞章相習格調惡縱
能放出一道光大抵障却燈上幕晉江自昔文獻

邦書卷未容東高閣虛齋經義遵巖文三百年來
少此作絕學於古得頗艱師資未遠求偏樂我嘗
希此志區區何意於君解磅礴萬里風雲足下生
發軔只在初踏脚千言萬語屬支離輸運只要心
中酢勿驚河漢怖吾言門外有人從駭愕

十一疊韻酬丁韜汝

天下談詩何紛紛誰能截流斷衆壑問山先生早
有聞一變浮靡為沉着君稱難弟才亦雄麗詞妙
句人間落我初到此強解吟談虎未知色變惡輪
公箭鋒不可當抽身欲去空楚幕那堪勁旅君復

橫學齋集卷二
來鷗盤空中虎卧閣危峰直壓培塿失鼉聲敢混
鯨鼇作怯敵雖愧不能軍憑軾且快臨戎樂獨懷
旅客亟東歸不得此間火盤礴燈前把酒讀君詩
倏見雲頭垂兩脚清涼助我清興發急草新詩為
君酢自笑頗如隔日瘧譫語恠言動羣愕

題王石谷春山圖為桐臯使君十二疊韻

王暈畫手今第一妙絕雲煙與邱壑宋元粉本滿
腹笥筆下纖塵無染着此幅乃寫早春圖幾疊山
川幾墟落樹上飛飛喚伯勞田間穀穀鳴姑惡溪
前深柳護書堂山後長松圍畫幕漁灣曲折橫略

約古寺隣响聳高閣不知恹淡幾經營衆皴橫皴
筆端作我思浮家汎宅歸深茗清雪人間樂世途
日隘塵網促牽緣那得去磅礴何意君携袖裡來
信道陽春原有脚泉山晉水極幽奇一琴一鶴堪
相酢行春一卷伴行旌烏化爲鳧童叟愕

題應真渡海圖爲桐臯使君十三疊韻

阿羅合得人天供不問窮荒與絕壑看他十八渡
海來一無依傍何所着飀濤巨浪高拍山萬頃恍
惚銀河落蛟龍蜃鼈雜蚌蛤百恠銜奇鬪獍惡不
仗彼力爲舟航不資我法樹旛幕靈山法會凌虛

空歷盡齋宮與蜃閣葦亦可折鉞可渡前者趨迎
後者作意態各自具舒徐身心總然得安樂想其
抽思手腕靈目擊群真意磅礴世人平地起風波
觸處遊行輒礙脚獨憑狡獪作生涯不道忠信堪
酬酢若能解此畫中機始悟嶮巖無足愕

遊清源山十四疊韻

高峰背郭簇千巖石罅溜泉瑩一壑三年遙望數
經過何曾爲蠟雙屐着今年春早寒食早柳已青
青梨已落東園勝友約嬉春無邴顛風昨日惡旅
人擁被聽鷄鳴倏見曦光透紙幕急命筇輿上雲

關旋臨樹杪憑佛閣泉山本此得佳名問源詎信
一縷作俯仰同知天地寬談諧真覺朋從樂山高
咫尺迫仙靈海近呼吸通磅礴下山遍歷洞巖幽
暝色已隨西日脚歸從畫被述追遊陳語譎言總
難酢不如仍作黔驢鳴付與東園一嘻愕

送許月溪入都十五疊韻

不希簪組鶯華軒不誘松桂欺雲壑介於清和可
否間此中消息超超着君年長我弟畜子臭味與
俗殊歷落三日不見恠且吁不止鄙吝心中惡寫
竹能衍洋州派畫松直入韋偃幕幽明都寄水明

樓樂事相鄰清閼閣牆垂薜荔車馬多座擁圖書
金石作一生結客孟嘗貧一縣栽花安仁樂行行
謁選上京華棹鼓浪花噴磅礴任過楚尾及吳頭
憑轉施梢與蓬脚鏡光不動止水清一靜能應千
酬酢功成白首好歸來莫待移文北山慢

禱雨用東坡祈雪韻

小民含哺樂鼓腹望歲惟願倉庾足三春無雨亢
陽和干邨萬邨罷犁哭藥師不滴馬鬣水義輪播
燄焚地軸茫茫海國斥鹵焦誰賦勞人及采菽我
來桐城兩閱月田疇無水滋新綠祇見蝦鰕涸絕

潢何處桔槔來斷續閩南土膏資源泉潤下江潮
與流淵雨澤愆期病農稼老羸不免先踣顛坐籌
國計長郡邑蒿目時艱噢咻急當此嗷嗷澤雁呼
忍視瑣尾流離泣濟變權宜賑乏貧移粟鄰封差
可及吳粳蜀稻連艦進直闖蛟宮驚龍蟄未雨綢
繆誠至計滂沱何暇求簑笠况今 聖主問俗疲
新封玉璣啓金匙

題溫陵 文簡公像即和公韻

科名代出真如寄天挺英豪來必異振振前輩擅
風流富貴功名等遊戲溫陵宗伯文簡公對策春

官言無忌當時拔致第三人探花上苑誰竝轡回
翔馭歷亞卿班優遊兩踐成均地遺榮正決異時
趨愛日非關與世棄便辭鼎鉉甘避賢親奉版輿
歸衡泌嗜退中年歲月長堅卧力辭召書至持身
常凜佩符三教家祇學策馬四當時鄉國已承平
閒居賦擅遂初智廊廟山林仗此翁譬如巨靈伸
一臂我來已是百年後慕公丰采願瞻覲捧來圖
像見儀型展讀題詩知公思一生大節具一詩煌煌
大書三百字雖經易代變滄桑五世相傳龜玉視
墨香浮動自颯爽籤軸焜耀具逸致聞君初典春

官卿忠肅名議易位置夢寐關心有宿緣忠正幽
明同一氣今日拜像和公詩如奠釋菜 薦芟倘
與國史重編摩敢傳公碑書第二

題藍采飲畫

江上數峰翠欲滴江中一舟輕於葉世人爭欲買
山居不道好山在矚君看此幅精神流南邨北
垞紛田疇我將荷鋤帶經入棹頭一去真吾邱

桑溪懷古

東郊十里登雲路春谷茫茫暗煙霧桑溪一水曲
如鉤昔人流觴此中數當時文采照山邱風流何

減永和遊只今寂寞同流水綠蘚青苔古篆留
化城寺雅集分賦秋水篇得苑字

洞庭微波落日晚銀漢初明雁聲遠盈盈一水瀉
如油爲洗山容淨雲歎姑射仙人冰雪姿目送飛
鴻手摘阮閑臨秋水賦秋懷愁聽暮砧出秋苑

再次苑韻酬蘇綸美

秋水漭漭以時至輸川灌河流混混東趨海若嘆
汪洋抽身齟舌廢然返邱山毫末原有分觸爭蠻
鬪徒偃蹇我誦南華久欲仙何處山尙容吾捷虛
懷求友近十年北至燕臺南茂苑師心未敢蒙是

非量物詎得迷近遠常思泥飲吸長鯨不羨臨流
羅尺鯁年來斷梗逐飛蓬羝羊觸籬羸居園天籟
誰同聽倡于不才自甘鬱輪茵何意翩翩得蘇君
妙筆排空秋鶻健時用鐘鼓鐔我聾念此荒畬加
蕪懇昨來招我往看山一幅晴嵐浮翠巘雄談驚
座集肆筵各張壁壘擁螯肴我獨逡巡未敢言顏
唐久覺懽情損火攻趨促來致師如迫賓人貢紀
甌秋風蕭瑟秋日暉競唱秋聲滋楚畹我是悲秋
落拓人候蟲切切意悽婉質非金石誰能固運逐
年華忽已晚即因遣興賦新詩那異塵羹羅土飯

君能恕我井蛙拘三舍避君勿吝尊

題陳梅谷畫菊

今年菊花開何遲十月猶未綻東籬我將遠行意
惆悵插髻那暇窺圍爲朝來何意見此卷千花萬
朶紛繁枝誰能點染寫生意梅谷妙筆真雄奇丈
夫要須重晚節凌霜挺秀傲兀姿穠桃妖杏不足
數何況朝槿與夕葵寄聲梅谷剪生絹將拉子畫
學補之

錢塘胡君死事於閩將五十年矣令子遊閩
追揚先烈敬賦

我皇初服健伐張版圖萬國來相將閩南一島鯨
波揚撼車以臂啗螳螂當年誰寄封疆乃使氛
縵侵膠庠德化山城僅堵牆教官殺賊如驅羊力
窮巷戰血裹瘡矢死不回真昂藏五十年來俎豆
光錢塘江濤流湯湯鬱與閩海爭排浪英風不泯
乘雲翔千秋萬古姓名香

南薰樓燕集次韻酬王適菴明府

翊善扶良苗除惡去害馬使君十載治巖疆名山
真得賢王者小邑何足煩牛刀盤錯時亦逢波濤
谿自不言成桃李苦心補救曾辭勞每念故人損

良惠厚意於我尤怱怱握別臨岐重執手幔亭山
下還相遭使君手縮青銅印河流九里同生潤定
教枯木產菌芝寧使枯桐付灰燼武夷仙境舊茶
場遠觀如廩復如倉南薰有樓可攬取招客對飲
歌相羊停雲夕照漏秋光機絲織女成報章明春
待君歸巖廊好將政績奏雲間彼時南望更回首
追溯今日勝會寧渠忘

寓崇安六旬有傳予死者作詩寄家人

天公不放三日晴千山迸作奔雷聲有時迴風倒
吹却水勢欲撼崇陽城崇陽小邑千家室我來停

撓六十日坐臥一榻手一編頗覺沉疴去六七何
未鄉信忽驚傳云我化去幔亭巔我於世人無纖
芥胡為訛死同坡仙世間萬事皆尋常彭未足慕
殤非傷惟有親年常自愛愛日願共春暉長非不
思歸暫省侍舉家廿口常乏匱乞米長安計未荒
倚閭又恐為親累人生七尺不庇軀倂然深愧為
丈夫撐腸萬卷知何用折腰五斗緩難圖牢騷撫
卑長太息俯仰惟覺天地仄無聊取醉託酣眠濤
聲春枕搖月色

遊西湖次東坡韻

登孤山泛西湖杭人誇說天下無誰知此地經
宸賞六移警蹕來傳呼貸租蠲賦赦罪孥時清遊
豫民歡娛邗溝屢邀六轡顧吳苑亦在旌旄紆獨
將湖上烈尙廬孤山殿閣觚稜孤六橋花柳爭妍
好欣欣榮向及菰蒲隨鑿簪筆卿大夫揮毫染翰
侍朝晡黼黻山川爛雲錦追媿玉帛王會圖我來
翠華歸旬餘杭人望幸猶蘧蘧更欲來歲捐亾逋
黃封 御筆家家摹

贈吳寶崖

史家三長才學識著書三者難闕一茫茫四海作

者誰芋町先生儔無匹先生有才今屈賈腹筒便
便汗牛馬妙諳體例工裁剪博采叢殘入陶冶書
成見者誰不愛彷彿齊諧惟志恠不嫌歲月此消
磨但使心靈得淘汰集賢學士登金坡北堂西邸
羣編摩高才貴士各有適所著與君誠孰多仰面
屋樑心獨苦閑居畏客如畏虎柴荆雖設少開時
滿徑蓬蒿深沒股似我衰遲那足論繩牀藥裹送
朝昏著書有意材力薄花落花開空閉門

題吳寶崖閉戶著書圖

芋町居士真人豪汲古抗志窮風騷著書直是等

身富種樹已作龍鱗高五十獻詩見天子親第
甲乙冠羣髦行行待詔金門去始知閉戶未為牢
人生讀書用世耳豈必跼踏甘蓬蒿會須看君簪
筆瀛洲上坐與東枚嚴馬扈從東西南北隨旌旄
吾聞華山之高四千仞上有玉女洗頭盆何時拄
杖君來此下視日月莽昆崙又聞吳山秀麗甲吳
苑大癡仙人跡未遠君家傍在拂水莊鹿車共挽
遊雲巘二山神仙之窟宅君居其一遊其一浮漚
世事等波流變幻煙雲比飈疾坐擁圖書自嘯吟

環視兒孫行繞膝榮途不願合衆趨天民自可長
稱逸年華甲子閱初週胸羅八索與九邱會當從
君撰杖屨蓬瀛戲作逍遙遊

再贈王石谷

世盡喜翁畫未知翁爲人翁能傳人貌無人傳翁
神前身宿世徒漫許不知好義心懷仁傾囊救人
兵戈裏子女贖與歸其親盡憑硯田作生計濟世
利物忘其身設翁得時達所志真使萬物皆生春
惜乎垂老無一遇徒寫海岳圖江岷相逢吳門重
握手蒼鬢訝變星星銀勸君痛飲三白酒天道自

要親天民願翁歸種三槐樹崢嶸早占獨角麟

題海陵武刺史相馬圖

海陵使君千里駒顧影蹀躞遊天衢竭來借籌典
牧芻戶外五馬靜不呼公餘寫作相馬圖託興詎
無支公孤五花雲錦周身鋪銜勒不飾神采殊昂
然上駟天閑需昔年憶與豸斧俱歷塊振鬣巡皇
都使君繩武念勞勩以身許國効馳驅會當騎此
擊兔狐人傳驄馬君家須頗似西臺府中烏世世
爲君充德符君其攬轡清當途孫陽一顧空駘駘

清流關

夾馬營西紅光起趙家檢點作天子分符遣將略
清流十五萬人關前死太平開基興國餘百年中
土會車書無端俯仰感今昔書生匹馬立躊躇關
門不辨興與蹶關樹不知風與月年年犖确度行
人前若推蓬後轉轂汴梁跡往濠泗空何處鶻聲
來絕谷

客莘城遊西來菴次阮亭師題畫竹韻

盛夏入伏陽方剛炎歊蒸爍如負銍中州風氣縱
和會官舍安得攜冰霜陳留長官高且曠政成期
月綱目張偏於冷處味淡薄不從熱裏競軒昂花

間行印染毫素琴室搖筆調清商下視錐刀營碌
碌傲吏那肯規尋常吾輩一二素心侶寒梢磊節
同蒼筤竭來坳堂聊聚芥也如解谷宜叢管何妨
小隊出郊去西入野寺登禪堂開籠瀹茗辨顧渚
汲泉潑乳嘗流湘回顧古道臨大梁夕陽車馬馳
茫茫世路紅塵無匿景但願半榻依空王

許真意有攝守陳州之行與予馬上極論身

世因次東坡戲贈子由韻以貽之

至人學道宗軻丘辟操快楫御輕舟長江大河縱
所適平穩已自達津頭陳留使君識此意一生自

信無貽羞五十拜官不爲早百里從政知兼優期
年政聲冠豫土迎刃已見恢恢遊公府遴才操法
律欲藉文吏飾經術識君機警疾如風知君苦節
甘似蜜假君攝守古陳州一振摧頹直枉屈君將
成命不辭勞蹇乘五馬建旌旄并欲故人來觀化
推廣禮治崇風騷洗心挽俗務格耻寧事煩苛用
鞭箠坐令封內登衽席且使堂前悉諾唯賴濱學
舍孝肅祠宛邱遺蹟今餘幾亮哉志古慕先程簿
書何必厭刑名會看直道能堅守方信文人望不
輕

再次坡公韻以自嘲

鹿原居士來宛邱自哂如駕逆風舟用盡氣力爭
 上流忽復退轉泊灘頭主人愛客固不厭一燈對
 影殊含羞寶刀須用及鋒試良駿爭誇捷足優胡
 乃南北疲津梁半年歲月擲行遊詩書有道徒自
 釀成蜜奚為鵬碍向天飛漫說蠖善將身屈積薪
 資格困塵勞何日前騶擁丈旄空在車前聞歷碌
 厭從蓬廬聽蕭騷貧賤久甘絕不耻頗畏當官事
 鞭箠且從客裏度流光猶勝堦前畫諾唯窮達遲

速總由天事事求羸身餘幾長安尚有半月程中
 原弔古詢知名當前不空杯中物莫計升沉與重
 輕

樸學齋詩藁卷二

樸學齋詩藁卷三

古體七言

帝京篇

禹甸推雄服堯封首翼都
千年推王氣萬禩鞏皇
圖皇圖王氣方恢廓虎踞龍蟠奠城郭
宸居應
斗直天垣絳闕嚮離朝
六幕萬歲山從厚載蹲
九重門向正陽拓右社左祖鬱菁葱
後宮前寢森
丹雘崇鏞萬堞擁峻闕九門修湟水
天潢遶甘泉
御井收冠蓋通南北梯航遍驛郵
物華天寶麗文
治日精浮物華文治冠今古
帝德崇竑邁三五只

求富足藏閭不煩力役動磬鼓黃屋無增前代遺
茅茨不剪堯堦土太液池上波粼粼金鰲玉螭還
居民遊人指點垂楊處盡歌 聖德頌 皇仁

皇心尚淳穆樂就郊坰宿民隱徹窮簷農情達遙
矚銀泉山下海淀平壁沼璇波的礫明暢春苑裏
春長在玉乳清流流逾清文石砌爲牆香茅覆爲
宇拂水錦颿遊生花雲弄吐垂楊絲樹萬千條邸
第相聯映碧霄鳥向鏡中和翠管人從花下按瓊
簫鄒枚終賈同時集玉堂金馬紛相揖佩文韻府萬
籤垂秘殿新書十牀襲輦輸車載日驅馳趨朝趨

市若爲期應知 帝德弘無外始信垂裳無所爲
五十一年銘功德蠲租赦罪揚微側輦下初無游
俠兒民風詎有酣歌慝九衢車馬任喧闐萬國人
文挺英特西京詞賦尚繁華洛下才人誇翰墨校
獵三驅彰國威獮苗千里蒐軍實旌旗八隊列平
原貂珥千騎馳漠北幕南諸部奉朝請海外殊邦
納貢職職貢王會聚京師春分恰度萬年枝酒賜
如澠歡大酺人熏化日樂雍熙小臣漫附東方朔
曩趨金門直殿握今年幸又賜官花忝竊科名慚
素學吁都哉嗟朔來從來詞賦比優俳不見官多

積薪材安身且飽大官養快意樂得師儒裁一編
長吟嘯十笏鎮徘徊黍谷陽春屈梅桃次第開

題王石谷水邨圖

平江江水平如掌家家結廬臨江上魚租儘可辦
輸官鶴俸不須謀結網藏舟於壑挂帆稀素心南
邨足還往高樓一榻書萬籤雞犬閑閑人朗朗豈
有塵坌到此間絕無利名縈夢想我疑此畫誰能
爲遮莫高人寫心賞六如已去白石逝要只耕煙
能貌仿丈夫縱領八州督須帶頭銜五湖長

題唐六如紈扇美人圖

六如跌蕩失意時寫此風流得意筆當時紈扇棄
秋涼誰知尺幅垂今日人生何必歎飄蓬落花恩
怨訴東風我愛髣髴絲禪榻畔美人環佩伴詩翁

題花前翁畫卷

造化小兒自簸弄騰擲不出須彌中梅是丈人杏
少女廿四花信馳東風堦前小草欣得意承乏偃
蹇爭白紅妍媸荃董有定價一笑端可浮千鍾羨
君花前對游女可許酒伴來髣翁

李簣齋招遊聖安寺納涼

城南西隅湖柳邨中有古寺臨高原恠栢長楸已

不見尚有老槐餘金源長安炎夏無逃暑多借此
地避曦暄前月午日節端午尚書招我來層軒指
點手植數株樹拱把今已踰墉垣物猶如此人不
樂毋乃韁鎖縛籠樊我友簣齋豁達者招遊再至
給孤園素心朋好十餘輩到寺衣衫雜諧言論詩
真能辨聞與監義直欲排籬藩摩挲古壁佛畫好
談說曩劫煙塵昏間對老僧綴清茗靜披涼颺搖
風藩此時意已無歎景心地一洗飯空門况有美
酒澆磊塊邠顧日是傾崑崙須臾倒景臨樹杪暮
雲催雨歸鴉翻殿簷鈴鐸微風響四座客散車騎

奔回顧清景恐一失急須寫此留墨痕試觀當日
黨蔡輩至今碑版誰長存後之視今猶視昔不如
再卜浮金罇

吳寶崖以十六疊韻贈予即次答之

長安好友圖銷夏月約看花浮杯斝初伏我忽病
經旬李園使者勞空迓西山雨後戰新詩未知晉
楚誰雄霸聞君蹙足出偏師一字懸出千金價更
番十六鬪未休縱有健者趨風謝何況我憊不能
軍惟有斂手避退舍戰則不足守有餘閉關從他
嘲與罵忽持片紙來致師見獵心動氣不下返來

作者局古法徒守廓郭堅未化君才八斗手七襄
老大惜爲他人嫁去年纔得與君親瞥見空堂來
舞簾一鳴便結九重知應識逢年宜力稼編詞詎
容一曲悞檢書不用一紙借會看躡取到清華寧
復湖干養閑暇今朝且作文字飲筆陣挑君爭三
駕

疊前韻再酬寶崖

遊京已復冬徂夏朝飯一盂暮一竿貧窮有骨鎮
相親富貴無錢可邀迓消磨暗驚年運促勉强敢
爭文字霸鳳凰在笄燕雀飛月旦何人爲定價繙

書每按前後忘看花漸覺懽情謝幸有西第能留
賓頗得歌呼供同舍昨日家書萬里來激聒又遭
妻孥罵饑寒迫人情無聊號呼上書風斯下不觀
時至候蟲情且學吞字蟲魚化我已落落窮依人
君亦茫茫老未嫁姑爲骯髒瀉新詞要味世人真
嚼蔗何當同君乞鑑湖百頃漁莊耦耕稼三間茅
屋一長鑱半領蓑衣雙不借曲肱有夢到羲皇樂
志無憂消清暇極知世願更難酬北山漫請回俗
駕

題成過邨空山獨往圖

我留長安九閱月久旱風埃無時歇比來暑雨復
淋漓九衢溝涂泥滑滑上書無足再供剛賣賦不
飽一糠藜當年幸托柱下居曾校魯魚窺斧鉞往
事依稀三百載賢佞忠邪昭若揭重來還復借藜
光勝會餽釘搬楮拙早時骯髒憑胸臆老大隨人
展趨謁擇術何如審所便猶曰吾及史之闕庶下
儘可容疎狂名揚無足當齟齬過邨不鄙過我談
檢出新詩高突兀人邪詩邪俱瘦生大異北學產
高閶瀕洞塵中有此人疑自其身有仙骨須臾更
出一畫圖旋渦賁涌厓崕崕盤松卧檜雜蛟虬枯

桷長杉巢鴉鶻中有流水落花深絕無津逮漁人
筏何來飄飄此仙客棹頭一往神飛越會心似得
在遠時遺世獨立殊咄咄我得君詩已解吟復覽
此圖神煥發知從悟裏淪空靈非關紙上守枯槩
渴思從君空山遊辦取芒鞋與布襪秋風潞水理
歸蓬極目家山青一髮

遂安鄒廣文紀事

妖星墮閩摧閩郭燎及衢嚴氛浸惡倉皇變起無
堅城紛紛竄降如振籜遂安一邑彈丸耳廣文先
生尤其弱鱗然怒奮激義旅訖復孤城完邨落師

儒鳴鼓勝赴桓父子剥牀危鋒鏑雖未露布寫旂
常幸祀瞽宗薦秋藿天地乍晦旋清明忠毅沉淪
老邱壑卅年翠羽出南巡有子陳情呈述作齒雖
雙折舌長存屢承清問達芳躅不日鸞誥下九重
重應表孤忠異常格千羊不勝一狐白百鳥豈如
一鵬搏疾風勁草識忠臣泮水香芹藏毅魄會看
令子侍承明重賦采蓴揚世澤

題圖月坡畫鳥

月坡君以秦川貴公子甫筮仕即乞身閒居雖
在長安嗜好筆墨予久交於君近寓借山堂即

君之別墅晨夕過從君間寫生紙爲贈皆可傳
者王右軍畫頭九帖真蹟君所藏弄予欲從君
借觀聊先識於此

月坡寫生得古法圖寫春波藏兩鳥浮者拍翼作
兩霎後者尻高恣唼喋荇藻交橫滿溪峽意態生
動不落夾我欲從借畫頭丸晴窗鈎取縫間押

丙戌生日和昌黎公韻

丙戌客京師欲得韓文公四十七年所爲詩而
年譜所載元和九年公之詩獨缺獨短繫歌一
首附五卷後因憶康長與綱菴錢四兄同下第

絳菴邀諸同人和此歌於永寧寺余以他事未
與今補爲之蓋自傷其不遇而又不甘降志消
磨也

昌黎文章光燄長較量長短燈檠光得時則行廢
則棄譬如團扇當秋涼飈輪只爭前後轂人品孰
分上下牀不觀金馬玉堂客當日春風同射策也
曾相對泣燈紅而今誰念頭將白太山滄海墜我
前三墳五典合枕眠長鯨百川飲自恣憑他綴紅
與鋪翠人生自立九鼎如莫緣燈檠隨人棄

題程偕柳擁書圖

擁書萬卷敵百城讀書半部勝五車多多益善固
所貴精騎百抵千屯遮或多或寡隨縱操用精用
博從梳爬少年最喜事涉獵插架蒼萃叢百家三
間老屋一柴几獼祭往往窮日斜中年躡屩燕南
北不能捆載浮空槎保殘守陋宿學弃更效兒語
伊嘍啞不免掩卷三太息少尚未得寧多誇見君
此圖觸芒角亟欲往就繞一賒君在圖中不我應
得意似在莊南華我悟君言在圖表亦如解處拈
天花卷圖還君對虛景一庭晴雪澄明霞

爲顧秀楚題嗽荔第二圖

北牕高卧乘風涼夢魂先已馳江鄉頗似故人同
握手清陰樹下荔支香荔支閩產真第一纍纍側
生離離實雨餘古榦列千章縹葉絳囊焜雲日涉
世爲口是良圖况色香味俱清都當年與君游歷
處畫圖過眼成模糊嶺南之荔亦不惡紛披黑葉
頰珠灼東坡已去君復來飽噉作圖資大噱問君
荔品孰最奇蘇詩蔡譜供俳諧君摹此圖乞題句
但述遊跡窮芒屨人生行樂偶然耳聚散合離等
雲駛區區口腹勿較量且博尊前浮綠蟻

題采芝圖

白雲滃滃起空谷煖翠浮嵐瀉飛瀑洞天蓬島咫尺間
神芝圖經松根讀長鑱攜來解佩招采芝歌
罷聞風飄便當控鶴尋仙去長嘯山中種玉苗

忠孝圖爲總憲巢公壽

禹慎齋筆乃一栢三鳥并芝蘭也

栢臺巍巍號烏府上有慈烏來哺母忠能納誨孝
無虧此物有神能兩爲方今王氣勝烏集喬木葱
蔥多望閣逐鷓鴣驅雀噪鳴鴉高岡鳴鳳同超越南
枝孤處霜月高老烏啞啞枝上號乳鴉三足能識
養萬里層霄長羽毛偉哉厥賦秉靈瑞全棲借汝
承君賜遠猷辰告無不言未雨綢繆皆至計君不

見星中朱鳥日中烏助離贊化光八都長年乃與
龜鶴符祥徵請視神鳥圖

題畫

霜臺栢府颯秋氣磊磊冰雪堆玉盤乾坤鍾奇景
運轆輪菌鬱積森清寒猗娜挺生此巨榦支撐梁
棟奠石磐爽鳩刷羽整毛片不務搏擊務勝殘同
遊靈圃集貞木勁正自爾資丸丸栢舟苦節世所
難畫荻之教崇以寬高門者于輿者潘是母是子
宜秋官請君橐筆東家觀

題畫爲盤山和尚作

南來未登滄浪亭北遊未上田盤山歲月勞勞彈
指過惟有緇土封塵顏頗聞好事作吳語高話昔
落滄浪間一衲趺坐二老飲清談一夕驚愚頑入
世出世語未了水光山色相迴環詩篇淋漓傳達
邇畫圖彷彿追荆關只今韻事猶在眼莫以陳迹
辭難攀會當掬泉青澗底借取禪榻聽綿蠻添重
公案作麼語欲染松杉繪煙鬟作詩火急報二老
盤山豈讓滄浪灣

題秋江晚棹圖

積鐵嶄巖峭千尺澄江淡拖霜練白扁舟短棹晚

夷猶嗟破秋煙漾秋石洞簫一曲大江詞長嘯半
空蘇門客縱目晴雲凌太虛夕陽無限涵空碧我
欲橫江跨鶴來翩躚問訊仙人籍

烏獬豸歌爲冢宰宋商邱公賦

烏獬豸何權奇 天子特賜令公騎令公撫吳十
三載卅木亦戴公恩私保釐西江楚氛惡靜鎮不
令一矢遺以此簡在帝心久喉舌命領春官司進
退人才無頗僻愛惜名檢堅操持望重一身繫朝
野台鼎正藉來調劑胡然引年遽請告幅巾逕欲
歸西陂 天子重公惜公去遣使存問還遲疑惟

公陳情最懇切聖世完人臣自知乞身須及強健
早歌咏堯舜樂軒義再三堅留情愈亟優禮數下
殊常儀賜衣錫燕導遊苑更重褒賜賡新詩且將
名馬載蕃錫云最馴習服鞿羈天步太平公等致
用以優老誠爲宜公感殊恩頻拜舞歸圖其色貌
其姿作歌紀寵誇後世人間忽見真龍騏應思當
年親射虎十萬天廐列星馳何如今日騁絕足安
翔容與遊中逵會看公歸席未煖且將乘此朝玉
墀中原父老環聚看天人天馬雲龍追
桃枝杖歌爲查初白編修作

桃枝竹杖非凡材先生挾之歸去來上界仙人足
官府先生奚忍離蓬萊達人見幾苦不早乞身強
健應更好楓亭荔子幔亭茶知縈先生素懷抱我
家桃竹鬱茸茸先生應話舊遊踪他時會撰一竿
待徵逐上下雲從龍

題王樓邨修撰十三本梅花書屋圖即送其

歸

樓邨先生玉堂仙清夢亦與仙人連梅花十三本
遙授勝餐香噉神安便先生畫圖袖歸去巡簷索
笑汜湖邊瓊葩玉樹爭秀發亞枝疎影侵書籤先

生顧之益大樂好夢久已符幾先我是孤山老逋
客鄉思頗厭牽塵緣何當乘此辭東下襍被穩趨
揚州舫

題達履中西郊尋梅圖

昔年南歸憶別君念君讀易東窗下今年北來復
見君逢君尋梅西郊舍雖然相對畫圖中挹君神
爽彌奕射君才十倍凌古人筆擅鍾王詩鮑謝少
年隨侍宦遊秦幕府籌邊箸常借比復綠衣趨鄂
渚階前舞千庭舞簾三苗窮髮悉來庭德柔不用
彎弓靶韓范功名接武奇將相有種如農稼正須

資君出濟時，那容凌寂耽。閑暇西郊縱，橫干樹梅。
天公留與幽人駕，畫師易地宜。畫余冷蕊芳樽容，
枕藉當爲君家勒。韓碑袖取圖歸，不須假。

爲許雪邨題元高房山真蹟

抵掌詡爲列仙癯，要卜雲山占一隅。自到京師墮
塵土，徒瞻黛色凌虛無。盧溝橋西紅螺北，房山一
塢堪長逋。昔年尚書山水徒，菟裘灣水留懽娛。而
今代去五百載，寧使山翠遂凋枯。我來弔古聽泉
響，殘霞暮靄落平蕪。况有代興尚書履，匡山一老
茅堂俱留連。不覺窮日夕，游踪行且教遲濡。每遇

一奇叫一絕，前後歌咏遙相呼。上岑躋攀停驥足，
下坂縱獵射於菟。誰料去京未百里，幽境頓覺塵
凡粗。欲追遊踪不可摹，尚書墨妙寧當孤。因思元
氣淋漓筆彷彿，房山潑墨圖。

己亥嘉平抱病不能出承巢房山公枉過存

慰賦謝

峩峩疊嶂大房山，金庭玉室不容攀。藏入地肺還
仙窟，羊頭岡左丁家灣。尚書卜築灣之曲，手掬清
瀨聽瀑潺。擁書真欲窮宛委，挹翠無數叢煙鬢。西
溪幽邃洞窈窕，東峪峭削石爛斑。醒歌醉舞取自

適淋漓墨汁題回環年來頗患跛能履轉復自喜
天教閑比到長安遊藥市回車曲巷問衰孱知櫻
困阨爍肺腑欲沃清露資丹還歡樂相見勤致祝
青山黃髮駐朱顏頻年頗追文字飲新歲要撥利
名關便從煨芋丹鑪側追隨杖履超塵寰已教鶴
巢松樹遍定許麋鹿遊其間會拍洪厓浮邱輩月
中籠放雙白鷗

卧病六旬餘日來少間繙新曆喜春將至因
作長歌以自慰

我生今年週甲子遊戲人間班內史繫袍自笑中

書秃荷囊恒被侏儒哆一寓梁園邁八年咄咄書
空送日晷比來卧病六旬餘嘔血無端頓形委客
來驚咤論安危我亦然疑聽生死忽然一七竟回
春日夕加餐厭多旨或者天憐磊砢人不教鵬賦
長安市繙曆迴看庚子新譬如墮地初生齒未辨
芒鞋縱嶽遊且杜荆扉探經指雖然炳燭費功多
猶勝從前不學耻更蓄青蚨待故人湯餅會訂來
春始莫笑兒爲白髮翁由來荒耄成童駮不觀老
子騎青牛身隱書猶遺尹喜

醉後戲書示僕輩

仕宦不達車生耳僮輩動咎宅相否豪奴按月來
徵租又恠貪嗔虎狼似秃翁大笑語僮輩汝何咎
人不咎已乃公速化本無術晚得一官差足喜若
論一歲當九遷疾走幾人越恒執或咎門闌未為
佳此地屢貼泥金紙丈夫一飯亦須酬割宅安可
望諸彼俸錢月給率二千祿米僅足供百指拙宦
既無才點金縮食安能却甘旨固應窮餒日相尋
莫怨催逋急如矢江湖不見信天翁子子何嘗終
餓死炎炎不見東家鄰非夕朝衣決西市由來富
貴輸貧賤苦節艱貞應須砥得過且過莫安排窮

乏泉刀富書史酒券雖多倘可賒且磨渝麩塗側
理

日食行

元正日食晝已偏九重濯被深宮乾 特詔盈廷
罷蹈舞且申有位省尤愆微臣無能效碌碌歸自
杜門展書讀新年未卜是何如且荷清閑一日福

曹石倉先生藏墨歌

石倉先生方墨一鋌四周俱有款識纂次十二
代詩人爵里姓氏曰墨磨人曰稽古堂墨爲桐
城方子扶南所藏其出示余之夕則已矣臘望

前之一日也

石倉先生振世奇崛起吾閩張鼓旗著述刊傳百
十種節義不使分毫虧我生後公八十載景慕風
概生涕洟殘山剩水漫憑弔餘膏賸馥誰留貽窮
冬長夜客窗冷鄰翁相過談聲詩因言家藏墨一
鋌石倉款識猶離離纂次詩人十二代爵里姓氏
搜紛披當時惟恐人或朽孰知異世同傷悲浮山
堂屋已銷毀清池寒藻徒漣漪幸留此墨傳好事
猶使稽古人嗟咨不特磨人還閱世白髮那及烏
隄縻乃知先生早窺破楮長茵短何須疑還君墨

丸三太息霜月皎皎吹寒颼

鷲峯寺雅集

朔風翔來白翎雀鷲鳥靈峯向天戾法宮大內崇
帝師集賢學士耽禪悅旃檀真相何處來身毒印
度精靈開依稀不記幾千載曾超漢劫度秦灰雪
樓居士還有記佛像端嚴淤泥寺未知碑刻定誰
存猶見舊闡刊石字南人北人徒紛紛洛學蜀學
分其羣辦香一派於何供頂禮金華頂上雲

同鄉玉堂諸君倡和東坡聚星堂雪中詩老
夫繼作愧難嗣響

上元元夕占萸葉帝城忽降連朝雪梁園曠覽稱
最宜九載今朝歎奇絕隔岸臺閣望模糊數畝塘
坳藏曲折紙窗竹屋愈晶瑩遠樹酒帘互明滅出
塞橐駝鳴成羣背郭饑鳥噪驚掣老夫病後靜杜
門炳燭觀書暗生纈持杯徐進邸西釀爇爐頻添
海南屑漫天徒誇六出奇萬事都歸一眼瞥惟欣
好景樂豐年太平佳話從頭說更快玉堂三四公
筆扛龍文勁如鐵

連朝陰雪上元夜再疊前韻

止酒呼童開竹葉爲賞東風飄瑞雪祥占豐歲兆

有徵節屆上元景殊絕家家燈火樂昇平處處清
光暎幽折帝城宮闕對崢嶸繞郭山峯望明滅
縱觀大地散天花欲聳孤身九霄掣日華不見似
埋輪雲陰常幙如蒙纈亂飛石磴影迷離暗入紙
窗聲悉屑骨寒欲透吟肩聳目瞽平欺老眼瞥可
惜孤山咏暗香逋仙妙句無嗣說深喜諸公舉禁
體常把真金點頑鐵

感遇

國士遭逢不可期豫讓售知千載奇當時曾從橋
上過感激弔古生嗟咨垂老風塵無一遇乃識志

士心相爲趙家襄子亦雄快授衣使擊劔三揮鳴
乎滿腔熱血何處灑人生感遇是何時

送同年家鳳溪之官平湖

前年送君令蘄水知君雄才堪百里曾未期歲忽
告歸求仁內斷行其是去冬君復到京華公卿動
色相咨嗟不特頌君行義篤且稱茂宰出政遐投
牒又授平湖邑 天顏頓霽咨詢及詳明奏對稱
宸衷眷念先臣彌感泣君銜寵命亟南征單車遙
指分湖城東泖水邊桑葉滿長谷隴畔秧疇盈行
春乍浦潮聲長海不揚波漁結網自緣保障繭絲

勞也本化行風自上遲君三載再朝 天治行應
推第一仙錦句珊瑚充橐底霜毫豸繡侍班前

秋日城西雅集

玉露宵飛金颺緊碧紗窗外桐葉墮欲憑遠眺送
歸鴻撫絃倦作秋風引良朋佳宴城西亭續賦登
高結車軫菊花插鬢興疎狂竹葉開懷略畦畛惟
須鬪取辦嚴軍筆陣墨車嚴鞮鞞我因病目却回
燈迫促新詩意逾窘排空硬語潦草書真縮春蛇
結秋蚓剩賭題糕半幅綾劇與諸公一笑輾
方扶南以玉印易余瑪瑙小刀長篇索和次

韻答之

絕潢憐涸鱗長途念老馬奈何豪奪與氣凌薄我
於險如君者當年自許亦善刀寶匣自闕同秋濤
詎意鉛刀不中割廿載奔走嗟徒勞富沙江前與
君遇傾蓋即別心切切一人豈足冠閩嶠都下忽
復來相遭各出所攜相印証我有古盎尤奇潤斑
爛蘚剝繡雲錦神物寧得埋灰燼自然登几伴頽
泓遭君攫去餘空倉今年又來賺金錯恨牢不固
嗟亡羊更以炬火燭末光煌煌投我索報章我祇
繞柱旋空廊窘急直欲排天閭旗鼓豈足相方當

玉帛馳獻干戈幸相忘

集陳平野農部齋分賦程門立雪

光風霽月庭草翠圖演太極宣妙義伊維從此接
薪傳絕學千年揭天地當時立雪在程門誰肩道
統膺重寄及紹羅李嗣新安道南一脉儒風萃至
今鄒魯被海濱發軔門前僵立次悠悠風雪滿皇
都大道非遙趨向異試從杯酒溯淵源景行高山
深仰企

分賦鄴侯籤

煨芋爐邊榻拙紅白衣相對舊神童與人家國調

樸學齋詩藁卷三
宮闈何論運籌帷幄功心耽載籍薄珪組牙籤絢
爛堆山中想其上下規千古踪跡可比留侯公岷
上授書二三策何似鄴架三萬充自是仙骨身珊
珊冥飛絕類冲霄鴻緬思伊人不再見抗言在昔
懷英風

樸學齋詩藁卷三

樸學齋詩藁卷四

今體五言

壽陳白巖先生

乾坤留一老講授海之濱隱德能埋照高情祇任
真衣冠存古朴矩矱守先民攬勝耽山水稱詩絕
埃塵倦歸依舊宅篤誼屬交親翟翟河干竹悠悠
樓上春青山如屋裏流水在西鄰作計每常拙生
涯定得貧有書消靜晝無字達通津問業知無倦
談文貴得新葦行恒折節風雨幾昏晨蠻榼溪邊
集小車花外巡披懷同朗月成句載秋旻八十年

終至文章老益醇黃花英絢燦烏石峙嶙峋載酒
芭譚侶歌詩澁籍倫瓊瑤方憂擊藻績各紛陳景
物重陽屈誦絃永夜頻相將諸子意願祝百年身
插鬢欣強健扶藜忘苦辛共疑仙是謫孰解壽爲
仁愧我才尤謏於翁晚受甄伏生遺魯國鄭氏重
西秦知挽閩風者耆英有此人

上按察江都汪公

景運隆 昭代昌期挺巨儒星分自牛女望系出
天都文燄標千丈芳型播八區經綸隨手展著述
等身腴點染皆風雅鈎稽足典謨學能從性究道

自得心符異數遭逢偶賢人出處殊寧由鄉國薦
直向 帝廷趨 詔侍金鑾直班聯玉笋俱同時
推兩傑一姓得連珠燕許名齊重鄒枚駕並驅十
年看侍從四海仰都俞鳳冊曾親捧鯨波獨遠踰
梯航雖累譯德化自揚鋪積水程難易辭金史有
無胄開蛾子學 宸喜遠人孚地望中州切承宣
牧伯需清銜分大郡 特簡藉宏模威早消奸慝
恩能起瘠癯嵩峯增截業伊水總沾濡東洛咏棠
蔭南閩仰日煦擢仍邀不次望已慰來蘇瀕海瞻
威鳳憑城走黠狐祥刑歸上理徽典式弘敷鄒魯

橫學齋集卷四
風希古詩書道力扶俗恬爲暇豫化速願須臾凜
凜秋臺署稜稜霜簡觚射堂垂絳荔鈴閣蔭青梧
不廢琴書適偏耽典籍娛自然超道妙豈但辟塵
汙觀察雄推袞宗風遠邇朱名終歸館閣勛轉耀
雲衢自感生偏遠深慚學尚蕪驅車因適越負笈
遂從吳執業堯峰側橫經虎阜隅根源窮藪奧派
衍辨錙銖期許今誰是稱揚幾獲揄惟公恒欵欵
式好共愉愉酬唱聯篇牘嚶鳴叶管竽景行頗向
往高望屢躊躇何幸清嚴迥相容禮法迂招邀先
折柬踈踏曳長縵雅論生春晝忘懷到日晡因茲

彌感激尤願効顛愚洗滌澄曾垢殷勤獻束脯斲
瑀依大匠烹煉就洪爐伊洛寧岐道淵源詎可誣
舊原稱學子今更忝門徒靜理還歸樸真文戒絕
縷悟徐求貫徹事不間精粗薪析容能荷玉攻應
待沽未能齊逸駕敢厭守枯株生計書千卷晨昏
水一盂窮踪殊落落涸轍失于于自假公餘引欣
承德未孤側身瞻太華得筏到瀛壺湜籍安能匹
芑譚或可呼光風回玉瑄黍谷動葭莩正是開陽
泰還占運斗樞公才宜黼黻大業邁軒虞

上清漳觀察甘公

節使重清漳分符控海疆疇咨方面寄妙選股肱
良拜命紆魚佩巡行衣豸裳岸花迎去憶山鳥
和鳴榔旌旆樓船建簞壺蚤戶將鼠狐城社竄鯨
鱷渤溟藏村晚無龙吠官清減鶴糧沙田輸芋紫
園叟貢柑黃國藉刑書鑄民登衽席康遲君還北
闕聽履上巖廊

賦得荷圓浮小葉

託根靈沼曲挺榦五泉中久得元冥潤深資造化
功娟娟新貼水濯濯出浮空萬選青錢竝孤懸綠
鏡同芙蓉擎早蓋菡萏颺飛蓬珠迸初過雨波翻

欲曉風綵舟非礙楫錦鯉不驚筒稊飲流觴近車
填太液東

壽閩中丞梅公

碩德推山斗威儀識鳳麟家聲從宋啓恩眷自
天申俊乂隆三德功施暨八閩階崇開府貴官領
外臺尊地控山兼海俗疲瘠與貧仰資長鎖鑰上
賴展經綸三載明膏潤干城澤沛均荔香垂滿座
蓮雨洗無塵鎮靜琴書適痼瘵蔀屋親雅知仁是
壽更識道爲鄰令節欣長夏清風拂達人梯航依
節鉞旗鼓望嶙峋遇合歌天保韶華祝大椿萬年

開景運社稷倚元臣

祝馬母覺羅一品夫人七袞

壺範垂光遠坤儀應地長翟褕膺早貴彤管播年

芳姆訓嫻冰雪閨型佩玉璜貂璫頒御府笄禕

錫天潢出閣如雲從承箕在斗傍征蠻開幕府

上將鎮炎方挾纊資縫紉調羹侍糗糧虎牙接錦

繖麟閣對紅粧座列八騶擁旗翻六詔揚持家尤

黽黽裕後自堂堂玉樹連枝秀瓊華五葉香鞞鈴

道正永禮樂氣彌昌姻婭聯三黨鞞希晉一觴萱

華並欣茂綵舞互翱翔泛醴杯啣玉開筵曲奏簧

鶯歌來綺席燕喜坐雕梁婺宿星芒吐瑤池宴樂
張鷟絃彈蜀女象板拍吳娘只願登耆耄相於祝
吉康薰風二十度期獻白雲章

壽閩制府

碩德推元老清修達紫宸家聲鐵嶺著茂績岷

川神心膂方將寄簿書豈久親蘭臺標蹇諤黃閣

展絲綸四海喁恩切九重眷命申綏來原有道

寬猛總稱仁浙水和風久閩南化雨新賑饑連海

艘移粟撤闕津政肅咸知德官清不計貧梅香飄

滿座榕蔭淨無塵令節欣長至飛花度遠人雅知

仁是壽更識道爲鄰遇合歌天保韶華祝大椿萬
年開景運社稷倚良臣

壽詩

族望秦中舊聲稱江左傳高才藏不試厚德隱彌
宣志欲恢經史言惟則古先範家敦孝友式俗戒
輕儇有子群皆秀仲兮譽最賢遠遊京國上遙欲
壽親前造請辭文謹敷陳行實全疇應備福履道
自享遐年鼎鼎青芝貴雍雍玉樹聯邦家光寵盛
閭黨頌聲駢月滿邗溝道花飛綺席筵知君頻引
滿一笑舞仙仙

夢西溪作

夢到西溪路春風第一番滿園花暗吐連夜雪輕
翻影傍籬邊屋香聯竹外邨水昏雲有態山曉月
無痕高士清留骨佳人邈返魂仙居須拄杖詞壘
欲開尊未得游湖曲惟應坐樹根畫中身獨倚飲
後客同論蟲蟄經時凍禽喧得氣溫幾年倚玉闕
何日返柴門自看梳邊白空聞笛裏繁滄溟雙跨
翼於此謝塵樊

恭賦

御製野靜知民樂

萬國車書盛干邨景物佳綏柔由愷澤撫馭藉安
懷屯戍消烽火耕桑遍水涯風花增錦繡麥穎秀
根芟秋藁盈篝載春醪野老偕牛羊閑畜牧雞犬
樂荆柴紫塞清宵月黃雲悉捲霾歡歌見擊壤
聖壽祝堯階

送友入京

宰邑近神京趨庭曉問程桃花春又暮瓠子築初
成落日河梁夢疎星朔塞行因君含遠思幾欲賦
長征

宿困關

江關百里遠落日駐懸旌忍惜高堂別誰憐遊子
情白沙春水闊綠樹夏雲陰回首家山月離人已
半程

抵浦城書家信後

去家幾半月猶未易行舟鄉語漸分判灘聲去不
留自然縈客夢何以解離憂爲報雙親道平安過
建州

寄親

最念慈親瘦持家百慮煎強須進杯酒慎勿減衣
棉甘旨慙吾缺晨昏賴女賢異時旌孝節彤管爾
堪傳

寄女兄

小湖

境幻情仍適吾生久泰然湖光明永夜山勢矗當
天十日離鄉土三年在客船擬同鷗鷺侶去住水
雲邊

長水鄭幾亭學署中同許月溪作

秋風來水國清暑當幽居檢點心中過披尋篋裏
書分庭竹栢影得趣惠莊魚近有尊生訣忘懷學
太虛

捫腹

飯_圖頻捫腹花前步屢移未能通古學總不合時

宜磨劍氣能忍飲河量自知行休短榻上坦坦納
涼颼

酬毛會侯先生

東浙推風雅如君望最優幾年從吏隱何處遯雲
丘著述窮能富文章老更適桐江深百尺吾意欲
沿流

遊鼇江玉泉寺贈木鷗上人

百里山城近郊行過玉泉春從今日暮僧是舊時
禪谷樹舒寒葢幽崖瀉碧絃蓬心都洗盡不厭百
流連

輓張太夫人

翟第朱軒盛山河象服明
兩宮傳奉引一品拜
恩榮縫紵頒屯戍蘋蘩潔祀祊茂先箴女史未
易悉芳聲

有子弓裘繼侯封帶礪垂開藩觀日近御母看花
遲祿養方餘慶朝
天祗暫時何期哀訃到慟絕
路人悲

孝治隆

昭代

宸恩錫賚頻

賜衣歸拜母

溫語慰思親忠孝無殊道哀榮萃一身千秋耀彤
史珥筆有詞臣

內史書彤管芳徽百代留筭承唐制府箕捧漢通
侯厚德貽謀遠殊榮
帝賚優渭川高塚卜素旒
返丹邱

愛士將軍節宜家母教成自從聞計日知愴考思
情慰藉聆
天語悲號達海城願公進眠食移孝
作忠貞

福履全身備
恩榮兩世聯起居原八座花甲過
周天秦地川原迥闕山物候妍雕軒歡永御詎意
隔重泉

寶婺星光隕宵昏慘不晨蓼莪悲孝子湛露慰忠

臣祭戟陳鐘鼓盤匱奠藻蘋東園給秘器高塚祔
麒麟

壽劉母

將母情何切承家任獨難始知求養志不在日承
歡矻矻長安道峩峩章甫冠會當拾青紫歸壽詒
團圓

東崇安王適菴明府

山齋真爽塏羣岫擁青來榻許窮棲借門爲仙令
開柚華香浸席燭影泛流杯高論彰文采慚予襪
線才

鳴琴當暇日拄笏看山來不惜花間駐真令暮色
開論詩宗哲匠談契引深杯儀式同清獻寧淹百
里才

清和望後過王適庵齋讀李劬菴谷口山房

集題後

暮色凝清暑新荷颭晚風放衙行緩帶對客出詩
筒眼炬明如燭談鋒勇却熊辨香別有托不與俗
雷同

不薄今人句獨憐大雅微悅擊競藻采襪線綴珠
璣何與性情事其如風尚違因君推老輩彌見古

音稀
谷口吾生地池陽望欲歸典型嗟未遠遭遇嘆同
違久客因人熱長遊趁鳥飛何當憑綵筆也擬賦
無衣

題許月溪書屋圖

宣武坊東路棉花古巷深三間靜寄地一室歲寒
心高士留圖畫詩人來賦吟便令宅券貴片紙比
兼金

曩亦曾同寓看君此地歸十年幾聚散今日復因
依追話景如昔溯遊人半非雞豚脩近局泉石願

毋違

五日施平原澄圃觀魚限韻

鳴蜩令節候落日午風餘勝侶同簪虎方塘共矢
魚詩篇爭暮兀水木湛清虛屢醉澄波上狂歌不
厭疎

萬爾言水滌園限韻

脩廊移素簟冷澗瀉吟絃荔翠侵堦積萍光映榻
懸書牀留是癖鐘籟響爲禪更極蒼茫興重來載
月圓

太史徐忍齋以詩見酬次韻答之

五字城堅甚連篇律轉嚴操觚追石鼎染翰鬪牙
籤磅礴疑觀海雕鐫想步簷乞君書側理兼取不
辭廉

秋聲涼夜至燭跋吐虬鬚攬物增新思學詩媿失
愚高吟同賞激極望不睽孤良候蟾光近賡酬倒
玉壺

送程翼山歸新安

俯仰蒼茫甚如君媿古人抗懷獨行傳樂志一家
春遵養時同晦歸田德日新黃精還可採持獻壽
雙親

漁樵天地寵若箇稱閒人難假如流景堪娛最好
春鶯花雖已謝鱸膾又生新即此歸云樂承歡况
有親

行文真大雅矩矱則前人再剛荆山璞三過上苑
春須知窮是達要自舊圖新細咀書腴境惟茲味
最親

人日次韻

人日題詩好三年又帝京一枝棲苑樹同伴結鶯
鳴柳眼春風早蛾眉月色盈相期頻載酒騁望玉
堤平

周孝深索咏蟬句書示之

亢陽過夏至日昨始聞蟬本是孤高質聊乘物候
遷一鳴詎得意雙翼解高懸旦暮還山蛻應知爾
自仙

述愁

天地愁中窄關山望裏遙何時理歸楫復爾度秋
宵夜靜蟲聲切風乾木葉凋行藏都未穩輾轉似
芭蕉

寓軒即事

冬日閒居課鑪香一室清哀書堆滿架暴皆偃當

楹暖借杯三酌寒消棋一枰歲行將盡矣兀坐短
燈檠

萬壽詩

瑞靄開元日金枝繞玉皇周星綿甲子 聖治邁
軒黃律轉三陽泰嵩呼 萬歲長孫曾歡致祝行
曆慶無疆

北禪結夏

癸卯中元日陳甥德泉招渭雲姪及諸兒結夏
於北禪有至有不至者因分韻賦詩予未往乃
各次其韻以當家塾之閒課而已不盡爲北禪

咏也

甞厝樓幽寺經年悶見聞蘭盂方勝會竹塢快論
文殘暑方更伏新秋已屆分塵埃與萍跡不必似
行軍

久宦吾殊倦親喪念爾殷死生同逝水聚散類浮
雲中道牽連累歸途經術分從今遂初服畢力事
耕耘 次德泉甥韻

憶昔曾遊處依稀念北禪半泉知更始一紀判相
懸歎逝馳駒影驚心過眼煙梅花還有約霜月待
嬋娟

退閒由素志休去樂吾天計穩非緣病懷歸不問
田一杯聊自遣終食敢謀鮮頗憶淘江隱相期傍
釣船 右次渭雲姪韻

藤澗謀終隱草堂望卜幽有懷期黽勉爲計且寬
柔和氣盈天壤春風貯一樓不須問漁父鼓枻任
遨遊

出處乘時運行藏趁卷收那爲希世計在作畢生
愁謀道須終畝力田必有秋勿如無柁楫泛泛逐
波遊 右次洙兒韻

全家歸去穩抵舍自歡娛食指資無賴詩書道不

孤仕雖窮宦達志自快西湖况有南山卜巢居或
可圖

歸來將五月孫子繞庭隅果豐年粟懽招樂歲
酤優游差自適隱退得安殊何必分涼燠憑人牛
馬呼

右次湘兒韻

進取非吾望斥去宰相連車適途頻遇

陸行一遇於德州再

遇於揚州舟行別亦捐

自揚以南竟同舟行

庭闈欣聚首詩句快

聯編况有佳孫子含飴笑作緣

畫筆兼詩筆熟諳久自便大家宜法古老手要虛
懸適興期超悟傍搜務透禪策勲期實勝耕硯勝

鋤田

右次涪兒韻

耽書由性拙餐勝不容慳况欲秋逃暑偏宜湖浸
山烹茶嘗茗茗結夏樂清閒不是耽禪悅自然喜
閑關

別爾十年外吾衰歎老顏幸逢文網闊遽得遂初
還家累豐年釋官休故土還從今願鼓腹歌咏太
平間

右次涇兒韻

樸學齋詩藁卷四

樸學齋詩藁卷五

今體七言

延平晤余三田生

負笈真爲千里遊殘冬雨雪泊鐔州
劍光射斗猶存否
雖學來南定孰優不我足時從世怪有人知
已大難酬他年抗跡青雲上務使人標第一流

旅中漫興

一榻還容堅坐心故山梧竹幾蕭森
依人總愧平生願逢閨懸知秋氣侵
須識讀書專療俗要知得志不行吟
淒然旅夢三更覺隱隱吳歌聽不禁

暗室能明賴一燈卑身也擬奮騫騰造車未便稱
同轍祛慮應須斬亂籐何處青山容小隱盡捻黃
卷當良朋奉親樂忘吾謀足佩紫紵金夢未曾

已巳除夜侍汪堯峰夫子搗清堂宴

迢迢嶺外自閩川立雪吳門遠沂沿破臘迎春還
昨日嫩寒清景欲除年同堂師友天涯聚結穗燈
花座上懸料得金閭千萬戶應輸此夕話尊前

書事

玉泉山下水泉多玉輦時聞此地過迴出樓臺高
突兀綿連甲第鬱嵯峨山禽巧學宮鶯囀北曲齊

翻南部歌多少詞臣思獻賦論思端不負恩波

每傳警蹕出丹墀雨露天恩屢下施薊北山川欣
草木江南父老望旌旗時巡遠繼千年盛宸翰羣
驚百代奇文德武功俱赫濯可無擊壤一篇詩

聞道三秦近阻饑當年歌舞地全非千艘玉粒飛
漕輓萬里朱提出甸畿涇渭川流何日別殺函風
雨幾人歸天心早憫殘黎困况厓深宮禱祀祈
龍門平準有成書崇論於今祗緒餘馭富何辭仁
者粟筭緡仍假賈人車聞風捧檄馳千里結綬登
朝遍左間我愧周身無一策此生只合老樵漁

閩南近日休兵革父老依稀想太平盡欲間閭登
揖讓望寬租稅事春耕將軍整暇軍容壯使相從
容吏治清稷契夔龍當此日無須禮樂百年成

秋懷

江外列峰黛色沉危樓獨倚薄寒侵清霜早已飄
梧葉落日還看噪暮禽世盡貌求圖上駿人誰惜
取爨餘琴躬耕南畝英雄事不敢希風梁父吟
玉璞持衡各有真何當貴賤屬他人轆轤相軋機
方巧黑白分途局自新爛熳天真寧作我周旋有
道豈無鄰由來骯髒憑孤狂絕勝拘牽步後塵

鴻飛豈爲稻梁謀烏哺能忘啄粟求年運易徂三
嘆息心身無補一浮沉南園買菊招棋叟北寺尋
僧問酒樓天半廬山真面目不隨湘轉九回頭
曾歷霜寒與雪威蒼松勁栢異芳菲茱萸囊解辟三
兵害菊酒能消一日饑贏得慳名供世笑差強降
格傍人飛迂疎有癖真成痼愛買新書典故衣
三年兩度作吳遊一瓣香還在此收歌嘯春生茂
苑月講論燈燼虎山樓始知詞賦真無益方信淵
源近可求若箇蚍蜉能撼樹也曾門外問支流
寂寂秋宵不可晨退之詩句最清新自非絕足九

千里已負浮生三十春涉世未能便作達論文亟
欲去陳因湛深樸學真風味未許粗豪得問津

長物

長物應知損道懷閒心寄興亦悠哉苔痕潤浸甘
泉瓦瓜綠斑瑩父乙罌篆隸手追秦漢體詩文心
學宋元裁蕭蕭門巷無車馬只有藤花滿地開

過黃勉齋先生墓道

先賢遺塚草芊芊五尺殘碑枕墓田離郭未能餘
一舍景行已是近千年南來道統從關洛北望神
州委澗瀾我欲挑燈論往事碧簾山外有啼鶻

春日漫興

物換星移又判年粗頑宿習只依然好書差已裒
千卷作計都無剩一錢故態畏同流俗溷新詩難
得解人傳終朝閉戶耽枯坐自笑多生似縛禪
紛紅駭綠滿庭前勝景無如三月天每向花間成
小咏時臨池上寫長箋新端溪研朝朝滌舊藏經
鑪日日然曲巷衡門希剝啄誰爲相賀得閒權和靖
詩一門深掩得閒權

送閣學陸義山先生歸平湖并致朱竹垞先
生求騰笑集

廿載文章侍從臣驟登黃閣自恩頻摛文正爾資
詞賦投老惟甘托隱淪曾次不牽名利夢遊行真
得退閒身當湖鱗紫橙邨綠林下逍遙第一人
掄才曾亦到閩南猶憾奇書秘未探博采宋金元
製作撮抄陳蔡鄭詩函一甌那有還仍借三昧惟
期証共叅此意誰人能識取獨餘孤月照寒潭
竹垞文章大雅林數過攜里未披襟比來著述聞
尤富獨悵河山邈莫尋君去正參九老社我窮欲
賦四愁吟何當雙鴈雲中寄騰笑詩篇一醉心

酬周雪客

謾聞樸學竟何如抱病經春祇索居倦對鶯花消
永日遠承軒騎過窮廬文章賞激時流外雪客以
名宦傳及南行
詩集序見屬還往相忘禮法餘無可慰君珍重
意自甘讀破兔園書

聞君傳說中丞語宋牧仲先生謂周公道著微名
便見稱豈有獨行傳遠邇却慚樸學得師承辦香
欲供心徒在歲月空多過亦憎好去爲傳寒士態
鈍癡恰似凍時蠅

輓司寇徐東海公

甲戌季春崑山徐藝初侍御賚東海公書命予

訪遺書予搜家藏得數十種附傳是樓書目內
侍御謂此行不虛可報命於公矣閱月公凶問
至侍御遽歸嗚乎予荷公知己既不得謁公於
生前又不得哭公於身後茲師魯過閩述前事
爲唏噓久之因製輓章三首寄焚公墓并致慰
侍御時丙子冬月十三日

昭代儒林邁昔賢文章魁柄屬誰專應知東海先
生在定使遺經絕學傳柱下於今疇掌故館中何
日卒編年興哀黃鳥西風暮棟折榱傾歎逝川
閩南有士在泥塗踪跡何曾騁九衢祇愛抄書消

黥淺詎緣下問及顛愚殘編屢博公來借懸榻將
教我與俱墨瀋未乾哀問至冥蒙那處弔清都
臨風淚灑玉峯旁太息如公那遽亡天下士流誰
接引百年公論付蒼茫功名未了鸞臺史經籍空
留宛委藏御李識韓無復日虎賁誰可貌中郎

丁丑元日

曉日春回萬瓦霜開門遙占好風光樓居未便神
仙樂目青聊修導引方時偶病目獻歲忽驚新曆換娛
親獨喜閏年長枝頭乾鵲頻頻噪應有音書慰雁
行伯兄時遊皖江

臘底人傳二曲書依依勉學勵修爲關閩地迥途
萬里鴻雁書遲歷四時天下有誰能此語後生何
意得斯奇開械元日重披對如在河汾執策趨
關中李二曲先生書
得時

紙鳶

豐滿何須假羽毛飛揚陡竝九霄高卷舒總藉他
人力遠近無能自我操籬下槍榆驚雀鷄門前線
索走兒曹何如脚底無絲掛貼地安身也復牢
材質真如紙樣輕難將搏擊負虛名飄空架起原
無力跋扈來時亦有聲直上豈堪承雨露引還難

自嚇鼯鼯道人笑說全真好莫羨鯤鵬變化成
憑假吹噓不到天三三五五互牽聯繫鈴巧作笙
簧響附火光分星宿躔野外梨花寒食節城頭菊
蕊夕陽邊一年得氣飛騰候只在春秋早晚前
嶺外
放鳶多在九月以春雨多也

壽梅中丞公

簡命新傳出建章特頒節鉞鎮南疆烏臺陟歷丰
裁肅豸府尊嚴保障長位望自承常袞匹聲名早
繼宛陵芳八閩環海蓬瀛近共識南山進一觴

壽分司周君

遼陽望闕似南陽紫綬金章滿廟廊大噐孰能逾
少府分司新復到閩疆堂前花樹三春種簾外笙
歌一曲揚爲政風流知近物躋堂那惜醉霞觴

壽閩邑郭使君

花封百里盡閩疆茂宰分符出建章未到羣情惟
恐後新來仁聞慰相望琴堂遠振九仙秀春酒初
開四月香願獻使君歌一曲函風風化賴循良

壽鄧廣文

東山竹嶼望綿連文獻相承二百年戴氏一經專
絳帳王家兩世隱青氊花明劔水平秋氣孤指奎

垣映斗懸蘭誼忝從諸子姓願將卮酒獻錢鏐

壽家思讓

子野先生令子

聞道幽居寄永陽居然避世友義皇滄桑異代新
亭恨庚甲周回漢臘光千尺松風憑偃蹇一溪流
水自徜徉桃源不類人間世添得書聲到草堂

贈候官馬兆陽使君

銅符分治古閩州政及期餘德化流接壤洲瀛滄
海靖平村橘柚綠雲稠魚徵蛋戶輸微稅稻熟畚
田省薄收端藉使君能撫字春城何處不歌謳
昆明舊是漢時封南詔風煙景物同間氣精英翔

樓學齋卷五
八
劍外循良清譽冠閩中琴磚月映梅花碧判案燈
輝荔子紅詎有鳳麟淹百里會看奏最達皇宮

蘧蘧軒即事

蘧蘧軒中春事幽青山平對俯清流溪光夜夜如
月上花氣朝朝在水浮綠樹參差迷澗壑白雲舒
卷護書樓此身北嚮全賓雁那意兼旬汗漫遊

戊寅子月九日雪後集新城王公第賦謝

名德高標四十年儒材一代屬公專自緣禮樂逢
明主獨攬文章邁昔賢峻望已無前輩匹虛懷欲
引後生傳雙籐倚戶門如水惟有芭譚相後先

立雪門前樂沂浴况逢雪後手箋傳溜澗頗辨知
流派魚兔真應聽蹄筌身坐春風忘歲晚心緣愛
日望歸便兩情牽繫如鈎月一寸清光百倍懸

部次州居萬卷陳典衣縮食每忘貧原非騏驥天
閑選合與蟬魚蠹簡親久困豈能無遠志暫遊已
自厭風塵幸從門下傳經義屢借牙籤不訝頻
選詩傳寫自黃州私淑今朝願始酬如聽雲韶驚
遠響似臨碣石望滄流開樽對雪神偏王促席談
經論未休莫謂龍門容易遡此身疑在夢中遊

上司成孫樹峯先生

辟雍鐘鼓日於論六館爭看禮樂新
盛世人文由國學聖朝模楷重
儒臣文章軌範窮秦漢學術風
規振洛閩獻納不須傳筆諫
廿年端笏侍楓宸

題朱晦人冊次王野航韻

攻堅無當玉爲卮彈缺深嗟負壯時
急辦治生二頃去勿傷知已十年遲
卜居宜傍東西瀼論世憑分大小兒
此意天涯誰與共樽前只欲與君知

半柳亭觀奕

在清江浦爲華亭王司空公作時治高堰堤

半柳亭前爽氣清
恭逢休暇縱談兵
謝安鎮物原無競
裴度臨戎久不驚
號令頓新舊
壁壘集思須

藉衆公卿由來國手爭先着只是當幾布局明
淮浦風高雁陣呼茫茫澤國久爲洿全憑隻手廻
瀾勢不使殘棋敗局輸白浪翻天爭犄角黃流匝
地障東趨知公順水行無事賭墅聊供一笑娛
方圓動靜合坤乾紀數應如象小年坐隱爛柯忘
歲月入山負局訪神仙須因黑白爲分却縱有輸
贏總快然此術非關人授受類疑得力有先天
雙枝銀燭吐紅光子落丁丁接漏長天上縱橫回
雁陣斗中錯落列星芒濤聲漸息馮夷窟虹影平
鋪罔象鄉取次漫攜玉局筆賡歌正擬築宣房

題沈石田山水

片紙閒將筆墨施千巖萬壑各爭奇想渠慘淡追
前輩頓爾風神逼大癡輸運何嘗無我法揣摩固
合在多師淮濡讀畫消清晝十日留連未忍移

夏夜與梅耦長查夏仲集陳香泉宅次韻

長安好事如君少對客哦詩更寫牋逸興不妨曹
務冗高懷常共酒人傳諸賢數過詩無敵盡日清
言暑亦捐街鼓已喧宮燭跋歸蹠蹠躑夜涼天

齋中雜咏四首應司徒陳澤州公命作

硯山

曲磴盤陀數寸中天然邱壑玉玲瓏墨雲欲起嵐
浮影硯沼初平翠掃空位置何曾離几格崢嶸已
似對華嵩生來歷落嶽峯癖海岳風流許我同

法帖

舞鳳翔鸞迹最奇蘭亭墨妙真吾師硬黃響榻千
金帖飛白雙鈎百衲碑索靖縱觀停去騎蔡邕摸
讀漫題詞未妨東觀編餘論且就南榮映日披

筆牀

毛穎中山類不羣銀鏤班管此間分許身未遇終
須學報國平生只有文醉掃氣能搖五嶽夢飛花

樓學齋集卷五
十一
欲吐層雲回思昔日匡牀上虎卧江南是右軍

宣鑪

冶銅十二鍊爲精鑄就彝爐小樣成久閱風塵光
自孕頻加摩洗面重生將留宿火消長夜持供丹
經注淨名更取龍涎招舞鶴引吭側聽九臯聲

人日集顧十一秀野春樹草堂得江字

瞳瞳朝旭耀南窗門帖新題戶外雙令節人方逢
七日望歸家已隔重江摩挲春樹吹瑤笛跌蕩詞
場倒玉缸消耗壯心慙未盡酒鎗戶小不甘降

再集春樹草堂

客中對酒便當歌况共名流舊雨多畫憶故園懸
董巨詩成秀句壓陰何竹光欲醉團雲影月魄將
圓耀玉波他日草堂追雅集記將春樹撫婆娑

次韻題顧秀野雙井書屋

敝帚如何說似椽署題也擬挂楮邊愛身畏溺同
窺井處世危波似泛船燕市酒多常寫券吳儂癡
極好吟篇與君潦倒金臺側莫問城南尺五天
西山一抹翠煙嵐遙借雲光入坐龕得失塞翁憑
放馬豐荒家計占新蠶風霜傲兀君能慣途路嶽
崧我久諳總有把茅權蓋頂任居薊北與江南

六月八日集秀野晚翠閣用東坡白鶴峯新
居韻

長愛樽前酒不乾每從君飲欸柴關關闕闕還是嵇
王侶清論居然晉宋間書借鉛丹羅北庫窗分晚
翠對西山碎疆到處題詩滿又乞羅浮一集還
孤踪閱世如浮梗倦眼看書漸隔燈隨分不波疑
簪井安心就冷類凝冰斯須酌我年差長昏黑同
歸客亦僧除却吟風與弄月紛吾懷抱亦何曾

六月二十四日再集晚翠閣予不至仍和前
韻

長安客舍了無事朋友聚散輒相關月從文字二
四飲地擇爽塏八九間君家雅擅南烹味衆喜得
見西來山快絕長鯨吸川趣凌紙怪發題詩還
傳聞今日荷生日好事設醴還張燈我生之日與
花同聊復切藕兼調冰壺觴漫擬從先輩粥飯祇
求學老僧自笑藏身人海裏遍尋花伴向來曾
必以藏花爲戲

聞張匠門笛分賦得絃字

燕市悲歌自昔然相逢俱是酒中仙何當笛裡關
山月恰值秋來欲暮天江上魚龍誰變化尊前景

物且流連要知鼓吹真風雅不必無端五十絃
午日破研齋宴集即事

園林秀色倍堪餐雨後微添漠漠寒滿室浮香紅
藥艷隔離清蔭綠陰繁流光又度天中節靜境真
知日下難相對嗒然齊物我雪泥鴻爪總同觀
淑景端陽節候新深蒲角黍雜前陳楚歌何敢稱
名士燕市惟應托酒人漫引綵絲纏戲偶試將羯
鼓賽蠶神從遊芳序歡何極只有歸心繫老親

上江蘇中丞宋漫堂公

商邱自昔人才地 昭代英賢盛莫當相國開天

垂竹帛中丞經世有文章 宸衷倚毗東南寄士
望歸依嵩洛長間氣輪囷占代起駸駸又見躍龍
驤

節鉞風高轄百城肅持綱紀靖吳氓星臨次舍皆
牛女民載歌思總父兄靜閱煙雲頻過眼夢遊山
水未忘情滄浪亭下盈盈色堪比公心一樣清
詩雅公宗代有聞主持壇坫孰超羣山當嵩岱高
無敵水到江河派不分方駕只餘摩詰輩知言雅
稱士安文玉杯繁露多奇麗願惠歸裝一瓣薰
閩南有士在泥塗樸學無能愧丈夫詎意虛聲塵

遠聽猥承雅問到微軀十年梁苑心長望一歲龍
門喜再趨公府緇衣能汲引虛懷猶有似公無

上巡醴御史靳公

九重宵旰睠南閩 特簡臺班法從臣持斧本爲
資國計下車便復煦陽春經綸碩畫甦疲俗黼黻
鴻裁迥絕塵務使海隅連出日盡沾 聖化答
楓宸

憶昔趨庭卅角時獲從珂里遡風規大河禹迹煙
雲渺舊史天書鎖鑰垂千載山川留間氣八閩膏
雨慰來思願因鈴閣焚香暇挾策雲亭載問奇

集烏石山陪

登范公祠次韻

玉堂飛蓋到闔邦蓮幕移樽叩竹窗山勢嶽崱環
萬堞沙痕明滅俯雙江劫餘廬井悲生促醉裏乾
坤見道龐晚際天風起蘋末濤聲欲戰老龍降

中山使者蔡華來訪贈之

堯天舜日減恩翔久識溟波靜不揚萬國車書輸
玉帛四時朝會達梯航中山職貢包茅謹使者啣
書劍佩莊我讀象胥詢遠俗彌知聲教暨無疆

遊輪山

輪山巖壑自幽奇捫陟層巔覽舊題石隕疑星瞻

有耀海寬接漢望都迷梵天古寺還新構靈湫甘
泉祗暗滋深愧持身乏苦節歸耕何日遂棲遲

御書樓爲施氏作

氣吞溟渤靖鯨波退食從容祗嘯歌百代功名標
竹帛一生幽興寄煙蘿堂成綠野觀心足樓奉丹
書御墨多每挹下風思舊德清游瞻仰倍嗟峨

上巡海觀察甘公

六載雙旌駐海陬驟傳新命領中州雒陽父老
瞻飛蓋閩嶠山川戀去騶濟世有才持大體居官
無媿列清流平生忠孝家聲舊尺五天朝寵遇

優

希風久欲溯龍門無那顏唐困短陵爨下桐枝幸
不棄谿前桃李亦何言三年長共師資感一字難
忘接引恩安得側身隨去騎駸駸也復騁中原已卯
之役公監試估卷中有訛筆公正之

同安城騁望

銅魚城上步回環極目夕陽山外山亂後邨墟成
聚落時平雞犬亦安閒炊煙遠接青冥鳥帆影平
過綠縵灣欲向遺菴尋畏壘亭溪流合水潺潺

過廈門贈宗人武觀

浮槎遙渡鷺門津劫後山川氣象新煙火千家生
聚樂舟航絕國往來頻也思卜築依安土長願昇
平息戰塵况有本支稱棣萼舉杯且快樂昏晨

酬黃天御方伯

東藩解組賦歸來晝錦堂從里第開賜履舊稱上
袞重朝衫今易綵衣回仲生樂志真兼得潘令閒
居不易才泰岱登臨空八極直將屈宋作輿儻
健筆新聲雅不群鳴金戛玉過行雲稱詩濟北高
千古論派閩南振一軍絳日丹霞蒸曙色澄江秋
水織波紋文心旖旎颯颯盛朗誦如焚百和薰

潞水秋風長綠波南歸猶滯在淮坡傳聞旌旆棲
官度未傍樓船發棹歌幸逐東風還故國敢將土
鼓混雲和荔支釀熟從君醉洗筆應須挽玉河

僧輪山同登清源以詩索和次韻答之

纔說看山眼倍明况聞鐘鼓報新晴良朋都爲尋
春至俗慮還因飲水輕欲卜層崖占小築誰能遺
蛻謝浮名今朝了却清源興莫負三過客此城
南臺秀色望中明極目登臨趁午晴俯瞰竈煙萬
井聚遠窺帆影數鷗輕千年霸業誰堪問一縷流
泉竟得名取次春花開錦繡嬉遊踏遍刺桐城

大叅陳樂公招同輪山丁滄霞小集以北行
草見示次韻謝之

清明物候扇和風小雨如酥濕麥融榮戟門前槐
蔭綠笏牀堆上舞衫紅蹙留吟興傳粉社何似耆
英聚洛中來往風流偕二老朝朝唱和削詩筒
飄零有似葉隨風誰煦陽和釋凍融汗簡難青嗟
鬢白春原未莫泣鵲紅微名總聽浮沉外生計難
供俯仰中何日澄江占一曲浮家泛宅理絲筒

疊韻再酬天御方伯

江汪千頃挹清風軼代才名事業融擁節粵江紆

佩紫備藩海岱御輪紅乘時鳳舉青霄上肥遯鴻
冥大澤中滿腹經綸隨手展卷舒操縱足絲筒
并州快剪落如風賦物鏤形寫象融句到工時憑
眼白酒當酣處任顏紅蟲雞得失階除裡蕉鹿相
尋夢覺中久以無機消幻境超超玄看滿詩筒
客居炎土扇溫風纔看春衫已暖融幾望漸看月
華白久晴真畏日車紅東山絲竹優游裏南國桑
麻仰望中初服恐難成久戀荷衣且願罷竿筒
滿座賓朋北海風未曾酌我亦心融况開舊醞葡
萄綠絕勝新芻荔子紅壯志還消棋局內雄談彌

王酒杯中真成潦倒偏能恕可許重來醉碧筒
施平原邀遊筍園因乞分陳家紫疊韻
郊遊十里靜無風荔子抽華春氣融舊譜久傳陳
氏紫新枝誰賽筍江紅極知消夏能忘暑無福沾
唇解熱中援取浣花求橙例向君分種截雙筒
輪山率諸君和東坡送李邦直赴史館韻詩
爲別深感其意次韻答之

羲娥相禪如梭急俯仰茫茫百端集每向良朋一
杯傾輒下英雄數行泣真漸老大無所成回首少
年豈堪憶今日別君作醉歌支離顏色妨人識

東坡

與李方叔書漸喜不爲人識

何意閒身向紫宸石渠詎易贊書麟小人有母嬾
懷穎壯士無金大類秦且去抽書翻秘籍不辭作
客遠依人知君愛我時相憶莫靳魚牋付雁臣

聞錢四亮工捷南宮有感疊前韻將以遺之

楊花滾滾麴塵急遙想黃金臺上集今年上苑看

花人昔日短檠牆隅泣

庚辰亮工下第同寓京師和昌黎短檠歌看鞭

捷足競馳驅落絮沾泥偏愁憶窮廬嶺外望長安

五色雲從日下識

待詔先來侍玉宸早從草莽識祥麟三年燈火

班馬一旦雲泥隔越秦爨下勞薪餘有我殿中臚
臚唱屬何人定知雁塢題名字獨冠三千黼黻臣
丁滄霞來別珍重以先傳爲托疊韻答之
山城宵柝傳籤急落落明星三五集誰云老驥尖
櫪鳴只似枯魚過河泣樽前驪唱不成歡別後雞
聲定相憶政身有母未許人此意悠悠誰能識
紛紛枚馬集 楓宸盡慕終軍對木麟有璞常懷
宜獻楚無才著論漫過秦雖嘗讀史分藜火曾是
操刀代斲人千載是非公論在未容草莽贊詞臣
別晉江陳桐臯使君

歲寒書屋獲交親猶憶相期迥絕塵萬里雲霄君
鼓翼三年溝壑我摧鱗花枝綻處移欄共月色殘
時洗盞頻總爲寂寥相慰藉買絲繡像定何人
金門枚馬競馳驅况值桃花鼓浪時書案短檠餘
我照崩緱長缺俟誰知頻過石竺山應厭屢道楓
亭吏亦疑今日判將知己別北溟鯤徒有深期

義溪寓樓和壁間韻

獨到花時倍自傷屢遭風雨攪花場亦知薄命同
流水是處浮踪敢戀鄉欲賦登樓思愴恍每吟豪
士氣顏唐諸公繼至間摸索暗裏嗤予哆喙長

贈穆南谷

三年婁水憶曾遊風雪飄蕭滯去舟欲訪穆生陳
楚醴那知伯長客閩州相思未便聯同調伏處何
堪懼百憂詎意梅花芝澗畔春風芳氣得相求
淑景欣當物候新天南佳氣肇初春超奇誰作羣
山長登眺還留我輩人澹宕香煙浮一縷淋漓酒
盞瀉千巡永和勝會應須記搦管慚非內史臣
雄才直似簸春濤揮灑千言染翰勞骨氣欲凌鮑
庚上風華直掩白元豪何當寶玉能藏璞定有青
條欲染袍斲向琴堂調玉軫他年天半振雲璈

與君六月同庚長慙愧多生六日餘紆紫佩金知
是幻持梁刺齒待何如相逢只合杯中醉爲壽宜
商枕秘書莫說云亭纔咫尺已如塵界望仙居

題陸鄴書送別冊

與君同上建溪舟君自言歸我遠遊閩地風煙共
此別江南春色望中收行踪總似衝波鳥詩興還
如竝駕騶且去前灘賒月色十干沽酒莫言愁

贈葉亮臣副戎

建牙吹角控專城棨戟霜寒一郡清緩帶常留花
下醉錦衣真是畫中行好龍豪舉英雄事愛馬風

流慷慨情我本書生喜談劍揚鞭直叩亞夫營
贈建寧程松臯太守

詩名散落在人間雅望清流玉笋班領郡故應資
大府著書端合傍名山縹緗世澤藏宮綵彝鼎家
聲有賜環咫尺芳規鄰宇下何當逸興得追攀

贈建安潘明府

海岱名家闕閔隆分符建水仰仁風製爲美錦先
諸縣裁得春華似洛中經術總從庭訓授功名應
繼史官崇今朝池上瞻丰采五色分輝照眼紅

贈甌寧陳明府

芝城政績萬人傳治行真居百里先餘事看山留
好句清風引水煮甘泉十年撫字安窮宦一善歸
親不愧賢憶自拓溪瞻秀宇那堪歲序六回遷

嚴子常大以詩見投次韻答之

修途萬里路悠長暫憇芝城北講堂桑梓故人情
好在溪山勝處意難忘將尋寒蒞巡簷笑得傍文
星借斗光壯志登樓誰共賦虛承雅問誼彌彰
仰觀千古俯同時遠隔天涯近一堂務使身心修
共証須令人我見皆忘江天浩蕩原無盡暗室熹
微自有光先正紫陽遺緒在傳燈好去晦中彰

上高鏡湖方伯

尺五家聲輔相門新卽
恩命長聞藩春生海角
來旌節望著薇星貫斗垣
大曆詩人宗仲武高陽
氏族重文孫他日青史
編年表舊識調羹世業存
道山施靖海侯祠作

左旗右鼓奠南陲誰擁
貔貅建節旄相度謀成平
蔡日征南功就伐吳時
廿年舊德留閩嶠八郡遺
思遍海濱有子墳箎看代起
不須墮淚讀殘碑

華峯僧玉田出予廿年前遊水尾巖記命題
因係以詩

不到華峯二十年青山依舊鬢毛顛
追尋遊蹟都非昔把讀言已愧前鶯
囀竹窗驚曉夢月移茶竈颺輕煙
山中清事縈懷抱好乞餘生再伴禪

別阮輪山即次其韻

方外神交只有君同牀合夢不曾分
情緣相感沾泥絮聚散無心出岫雲
三過清源頻話舊一來石鼓又離羣
此行判別無他囑珍重加餐少作文

甲申九月余將北征得病支牀經月因葺一
室移卧其中漫成五首先寄長安諸君子
忽滯繩牀藥鼎間淹旬涉月掩松關
崢嶸瘦骨如

柴立蹭蹬窮途似蹇艱命諗數奇違雁去愁經多
病送秋還雄心作達都非故那免星星鬢漸斑
支離仰屋嘆年賒又負今秋九月花萸酒何嘗沾
一盞紙鳶只見鬧三叉空階颯瑟孤桐響永夜悲
涼漏鼓過欲遣無聊裁漫興誰知才盡病頻加
風雨先人廬數行老樹一牀書貧來無計能
堅坐病起粗閒稍掃除白版小窗蘿月映青燈短
榻竹煙虛中宵却起低回望愧立人間百不如
夙願陳編故紙鑽欲將大業託鉛丹千秋簡冊持
論易十畝桑麻作計難薊苑朔寒風自厲青州原

際雨成瀾世間何地能高枕容膝希圖一日安
小春風日最宜晴虛白能令小室明時鳥變音新
按節林花得氣頓抽萌炎方淑景天然麗穡事逢
年不負耕聞道諸公飽熊掌可曾憶我輟杯羹

予北行病憇芝城歲杪思歸覲母并展先墓
將以新春就道魚門鄭子以次韻詩來道
別輒和酬之

一月征程舟楫間高堂時有夢相關偶因傍郡移
疴便少緩長途去路艱片棹夷猶隨鳥度千山瞬
息破灘還回燈錢歲屠蘇醉博取樽前舞袖斑

牆頭春醕幸容賒臘底緇梅正吐花開甕固應排
屏當折枝聊復插亞义家家爆竹桃符換戶戶燒
燈羯鼓過歲運一新人事改知非不待五年加
北阡岡隴築精廬半掃松楸半讀書務使長林連
澗壑更教秀野納庭除迢迢遠寺晨鐘遞灑灑流
泉夜月虛我去關心惟此地他年歸計定何如
病後詞章不復鑽終朝和藥更丸丹欲趨遠道身
須健冀得羸餘夢亦難世上奕棋爭勝負座中樽
酒起波瀾我生久受忘機訣任運隨緣到處安
新春投我歲新晴萬斛珠光潑眼明江海淵源能

壯闊根株蟠結老舍萌今朝得爾爲同調他日期
予學耦耕翻盡晉安風雅派莫教臭腐嘆塵羹

溪行有感再疊前韻

十載飄然南北間勞勞又復出困關青山無恙人
多病白髮旋添仕尚艱天下英賢遺幾輩意中山
水久思還溪行不盡春光好綠葉成陰籜漸斑
北望豐臺路尚賒沿途芳芷爛開花壑源茶好思
新焙建水魚肥想下义嶺上煙雲籃筍度月中簫
鼓畫船過人生適意傷遲暮趁取風光九十加
逢窗踞踏似蝸廬只好啣杯與枕書絕景奇時驚

浪過峭帆快處願風除功名有分終歸幻學道無
成感不虛欲向溪頭問漁父翁叢生計謝他如
峯如負袞由如鑽水是拖藍石是丹每到斷崖崩
峽險都忘破浪逆濤難春聞有相憑懸瀑筆夢生
花藉泮瀾九曲有田稌可種不應西笑向長安
曉山煙暗晚山晴溪水連漪溪月明春色蕩駘隨
電滅蓬心縹緲逐波萌朽如鴛骨何堪市億似疲
牛不任耕且聽東塗西抹去讓他冷炙與殘羹

贈沙縣大令

百里循聲冠劔州花間琴奏錦雲流靜綠經術吏

情遠坐滿菁華士望收韻語裁成今大雅口碑傳
出古諸侯多年欲買金沙權御得龍門斗幾周

贈上杭翁林一六令

論交十載意如何每挹清風若飲和文字原宜歸
館閣簿書甃復借賢科杭川景物天邊勝茂宰詩
名嶺外多我去金臺先擁帚爲君除道聽鳴珂

贈范慎時司馬攝令寧洋

花駿甃借駐山城臥閣期旬政理清萬疊煙嵐開
秀麗百年風物肇文明琴調東閣梅香早杯獻南
山塏影橫先去金臺迎畫戟佇看最績奏咸京

贈連城趙省齋大令

九載揮絃判案清製成美錦重連城應來豸省黃
封奏看取鸞書紫誥旌朱轂熊旛炫粵嶠繡衣驄
馬覲承明 歲朝最簡農桑課渤海寧專漢史名
大雅丰標夙昔傾新詩獨擅倚樓名春臨官閣吟
梅興月上琴臺夢鶴清六代煙花佳麗地一官茗
雪畫圖行南遷巖壑尤奇偉值得奚囊錦句盈

溪行次藍采飲韻

顏唐痾瘵頓年餘嘗作空中咄咄書引艾自攻真
上策買山無地異懷居爲因負米尋同伴不是辭

親忍絕裾五斗可邀便捧檄那緣木上去求魚
十月微霜染樹丹久晴溪涸不成瀾山容瘦立唯
餘骨水面波澄迸作寒初喜西溪新得路何年圯
轍問歸灘樽前且鼓滄州興歌嘯都忘上水難
落日邛酤貰一甌釣灣夜泊僅孤舫霜餘月色半
溪好暝入山頭萬疊青坐見蒼松盤峭壁卧聞獨
鶴嘯空庭此身已似登仙界不必誅茅大隱屏
迴風鼓殷亂濤聲蓬底高眠耳倍清未便止觀能
掩聽自緣習靜得虛明溪雲溪月皆爲主山鳥山
花總係情歷盡劔津西北境桃花洞口屬將迎

山深雲樹望迷濛雞犬桑麻散牧童是處邱樊皆
入畫無邊風月總成公代過魏晉人無論俗近黃
虞歲屢豐從此釣耕欣有托津頭漫復問漁翁
蓬窗對坐忽經旬亂插繁花盛小春香稻軟炊嘗
玉粒鸞刀細膾斫文鱗初無去住因緣念真得遊
行自在身最愛溪頭危石聳激湍濺沫白如銀

贈邱獻齋

千峯萬壑擁龍巖餐勝何期到此看游衍波心如
駛迅摩空天際似鵬盤每懷希範三年別且就平
原一日歡姑舍名山留勝迹他年策杖再來觀

遊小桃源訪梁燦章使君

探奇忽泝劔津西片棹夷猶太史溪欲訪桃源尋
赤縣敢求仙令借丹梯人家處處桑麻長煙火依
依雲樹齊許受一廬沾雅化便將琴劔此間攜

次韻酬魏蒼石太守

盛名久踞泰華巔遙數清光邁十年何意熊旌臨
遠郡重來蠟屐問流泉追歡烏石秋將半回首燕
臺路幾千莫恠當筵偏潦倒使君高誼與雲連
宿湖口憶藍采飲有遠夢欲尋湖口路句因

爲是詩

夢尋湖口耽佳句身到真知勝若耶夾岼松篁團
聚落隔溪燈火隱人家高眠枕上傳清瀨倚檻窗
前俯白沙莫恠詩翁生遠想我來痼疾亦煙霞

贈曹龍溪使君

曾向閩中問俗來手持美錦稱心裁祇期比戶登
春盎不訝公庭長綠苔吏治原從經術遠科名真
展濟匡才我因彈鋏清潭畔猶欲爲君市義回

寧化伊母張氏百有二歲予往見之類六七

十者子澤世亦年八十二

千里來登壽母堂百年過二見康強真知天子遐

齡福彌使人思愛日長膝下伏生能說學居鄰孟
氏久傳芳 盛朝方降高年詔人瑞端宜表一方

贈象峰心印和尚

衆岫崢嶸八曲中象峰高踞獨稱雄花開貝葉懸
珠網雲起蒼屏護釋宮選勝應推冲佑匹安禪要
與扣冰同何年拂袖能歸隱折脚鐺邊作退翁

贈劉渭生

聞道高樓巖谷間武彝深處闢柴關座間曲宴張
仙幔戶對排峯擁玉鬢未省何年能換骨此生終
擬傍名山斲來願借茅亭坐一望雲中雞犬閑

寓湯長卿樓

層樓俯瞰萬家煙
騁望南屏一抹妍
自是神仙合
隱几便令俗客也
停船關心每話
粉榆暮盛事爭
詢警蹕前最是
垂情向春草
惠休詞賦古今傳

滁州懷古

馱車搖鐸過滁陽
一片青山起道傍
盛事咏觴懷
醉守雄才戰伐感
興王百年遺老於
誰問半壑甘
泉且駐嘗急雨
送將關外去
清流夕翠望蒼蒼

過真源寺


嵌崟一壑傍山阿
佳日常從此地過
霜迴平林黃

葉滿秋光遠岫白
雲多靜深頓覺塵襟
滌理解還
須養念和最是一聲
清磬發悠悠身世欲
如何

壽程翁八十

欲從桑海問遺民
磊落如君有幾人
閱世已過三
萬日鍊丹且度廿
年春紅橋明月浮
家在白岳歸
雲入夢頻我願相
從學隱訣買舟遙
溯廣陵津

樸學齋詩藁卷五



水學發源卷五

三

